



**KOMMUNALBESTYRELSIP
ILEQQUUSUMIK ATAATSIMIINNERA
TALLIMANNGORNEQ ULLOQ 28. AUGUST 2026 NAL. 09:00**

Peqataasut:

1. Gabrielsen, Lars Erik (S) borgmester
2. Napâtôk', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Kleemann, Knud (A)
13. Jerimiassen, Aqqalu C. (A)
14. Bro, Niels-Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaanek: Palu Eriksen (fungerende)
Imaqarniliortoq: Pisortaanerungallartoq
Immikkut peqataasut: Pisortaqatigiit, borgerforvaltningslederit
Nutserisut:
Ingerlannera: Teamsikkut

KOM	SAMMISAQ	BILAG
075	Timingissartarfimmut aaliangernerup utertinnissaanut inassuteqaat	001
076	Kommunemi Upalungaarsimanermut ataatsimiititaliamik pilersitsineq	002
077	Ilulissani illoqarfiup iluani film-iliutini pingasunik 'marsertunik' pilersitsinissamut siunnersuut	003
078	Mersortarfinnik pilersitsinissaq pillugu siunnersuut, Knud Kristiansen (S)	004
079	Illoqarfinni, inoqarfinnilu mikinerusuni aasaanerani sammisaqartitsinissaq pillugu siunnersuut, Jens Napâtôk' (N)	005
080	Inissiaatileqatigiiffik A/S INI-miik attartornermut akinut aaqqiinissamut missingersuutissatut siunnersuutit 2027	006
081	Imminut toquttarneq pinaversaartinniarlugu suliniuteqarnissamut siunnersuut, Ole Møller (N)	007
082	Katersugaasiviit aningaasaateqarfeqalernissaannut siunnersuut	008
083	Inuusuttunut sullivinnik pilersitsinissaq pillugu siunnersuut, Kund Kristiansenip (S)	009

084	MISI-p pitsanngorsarneqarnissaanut tunngatillugu siunnersuut, Paarnannguaq Mathiassen (S)	010
085	Atorfiup ledende skoleinspektør-ip atuutilersinneqaqqinnissaa pillugu siunnersuut, Jens NapatoK (N)	011
086	Immikkut atuartitsinermut tunngatillugu siunnersuut, Paarnannguaq Mathiassen (S)	012
087	Inuusuttut immikkut pisariaqartitsisut ingerlariaqqittarnerannut tunngatillugu siunnersuut, Paarnannguaq Mathiassen (S)	013
088	Ilulissani atuareernerup kingorna ornittakkat nuunneqarnissaannut siunnersuut	014
089	Ilulissani atuarfiit avinneqarnissaannut siunnersuut	015
090	KRK Inua-mut suleqatigiinnissamut isumaqatigiissut	016
091	Suleriutsinik ersarissaasoqarnissaanut siunnersuut, Paarnannguaq Mathiassen (S)	017
092	Elevhjemmep illuutaanut tunngasq	018
093	Kommunabestyrelsimi ilaasortap ilaqutariit paarsisartut pillugit siunnersuutaa	019
094	Avannaata Kommuniani innuuttaasut siusinaartumik pensionisialinnut tunngatillugu siunnersuut	020
095	Tarnikkut ikiueqqaarnermut tunngasq	021
096	Ilulissani utoqqaat illuanni igaffissuaq	022
097	Kommuneplantillag nr. 68-ip inaarutaasumik suliarinera – Qaqqap eqqaani, Mathias Storchip Aqqutaa, Ilulissat	023
098	Oqaluuserisassatut siunnersuutit	024

Aaliangiineq:

--

Ilisimatitsissutit:**Naatsorsuutit ukiumoortut 2025**

Siusinnerusukkut ilisimatitsissutigineqareersoq naatsorsuutit ukiumoortut 2025 aggstimi politikkikkut suliarineqarnissaat naatsorsutigineqartoq. Sulialli sulii naammassineqanngilat, naatsorsuutini naliigiissarinerit kiisalu kukkuni siuisunik ingerlaavartumik suleqatigiinneq sulii ingerlammata.

Taamaattumik kommuni kommunalbestyrelsi akuersissuteqarneranut killissarititap kinguartinneqarnissani qinnuteqarsimavoq akuersissutigineqarluni. Killissarititaq nutaaq ulloq 15. november 2026-mut aalajangersarneqarpoq.

Ingerlatsivik naatsorsuutit ukiumoortut kukkuni siuinerlu naammassiniarlugit sulinerup ingerlaannarnissaa sulissutigaa, taamaalilluni suliaq killissarititap iluani politikkikkut suliarineqarsinnaaqullugu.

Sag nr.	Sammasaq	Bilag nr.	001
KOM 075	Timingissartarfimmur aaliangernerup utertinnissaanut inassuteqaat	Journal nr.	

Uteqqiineq:

Timingissartarfik fitness pillungu akingititanik kommunalbestyrelsi junimi ataatsimiikkami allannguivoq. Taamatut aaliangerneq illuatungiliuttut piumasarivaat malitassat naapertorlungit ingerlanneqarnersoq misissorneqassasoq. Misissuinnermi paasinarsivoq sinaakkutit atuutilersinneqartut malitassat avaqqullungit ingerlanneqarsimasut, uani inassuteqaat malinneqassanersoq isummerfingineqassooq.

Suliap saqqummiunnera:

Kommunalbestyrelsi juunimi ataatsimiikka aaliangerpoq fitness-imi atuinermut akingitit allanngortinneqassasut, kisianni illuatungiliuttut misissuinissamik malitassat naapertorlungit suliaq ingerlanersoq qulakkeerumavaat. Aaliangerneq pillungu Nunamut Namminermut Naalakkersuisoqarfik ersarissumik ilitersuivoq, taannalu ilitersuutaa allannguuteqaangilaq naqissuserneqarlunilu malinneqassasoq.

Iluarsinissamut siunnersuut – sammisanut tunngatillugu nalilersuineq

Aaliangerneq piumasaqartoqarnera malillungu inatsisilerituumut misissortinneqarpoq, inatsisilerituullu misissuinnera tassanilu ingerlaqqinnissamut ilitersuut Nunamut Namminermut Naalakkersuisoqarfimmur takutinneqarpoq. Iltersuutaasoq malinneqassasoq paaseqatingiittoqarpoq.

Iltersuutip imarisaa uaniippoq unammilleqatingiinneq innarlerneqassasoq kommunalbestyrelsip aaliangernera malinneqassanguni. Taamaattumik aaliangernerup siulianitut ingerlatsinermut utertitsisoqassasoq inassutaalluni.

Nunatsinni illoqarfinni assingiinnittuni fitness namminersortunit ingerlanneqarpoq tamannalu aamma Ilulissani ingerlasinnaasoq takorloorneqarsinnaavoq. Taamaattumik eqqarsartoqaruni aallartikkusulluni una aaliangerneq kingulleq sinaakkutinik pittaasunik periarfissiinnnginnami, aallartikkusulluni eqqarsaateqartoq tunuarsimaartuaannassooq suliffeqarfik taamatut sinaakkuteqarluni ingerlanneqarsinnaannginnami. Sinaakkutit unammilleqatingiinnermut akornusiissanngillat illuatungaanik aallartikkusuttunut periarfissiissapput.

Ingerlariaqqinnissaq

Aaliangerneq inassuteqaat naapertorlungu ingerlanneqarpat aaliangernerup siulianitut sinaakkuteqarluni ingerlanneqassooq.

Kommunip fitness ingerlassinnaavaa, kisianni unammillissanngilaq taamaattumillu kommunalbestyrelsi pisussaaffeqarpoq unammilleqatingiinnermut apeqqutinut eqqummaarissalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigivaa:
Kommunalbestyrelsi junimi ataatsimiikkami fitness-imut akinik allannguina atorunnaarsinneqassasoq
ataatsimiititaliap aaliangissangaa*

Aamma

Aaliangerneq sioqqullungu fitness-imi sinaakkutit atuutileqqissasut ataatsimiititaliap akuerissangaa

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalerneqassasoq

Ilanngussat:

Bilag 001-01: Inatsisilerituup suliamut nalilersuinera
Bilag 001-02: Nunamut Namminermut Naalakkersuisoqarfimmiit akissut

Aaliangiineq:

Sag nr.	Sammasaq	Bilag nr.	002
KOM 076	Kommunemi Upalungaarsimanermut ataatsimiititaliamik pilersitsineq	Journal nr.	

Uteqqiineq:

Kommunalbestyrelsip pilersinneqareerneratigut taanna pisussaavoq kommunemi upalungaarsimanermut ataatsimiittitaliassamik. Taamaattumik kissaatingineqarpoq immikkoortoq pilersitsinissamut tunngasoq suliareqqullugu.

Suliap saqqummiunnera:

Inatsisit upalungaarsimanermut atuuttut naapertorlugit, kommunalbestyrelsi pisussaavoq kommunemi upalungaarsimanermut ataatsimiititaliamik pilersitsissalluni. Ataatsimiititaliap suliassaraa upalungaarsimanermut tunngasuni najoqqutassiat pingaarnert suliarissallugit.

Aaqqiissutissatut siunnersuut – suliap ilisimasalittut nalilersuut

Kommunemi upalungaarsimanermut ataatsimiititaliaq minnerpaamik 6-nik ilaasortaqaassaaq, taakkunannga sisamat kommunalbestyrelsimi toqqagaassallutik. Taakkunannga pingasut kommunalbestyrelsimi ilaasortaassapput ataaserlu kommunemi teknikkeqarfimmut ingerlatsivimmi atorfiliussalluni. Tamatuma saniatigut ataatsimiititaliami ilaasortaapput kommunep upalungaarsimanermut pisortaataa Isak Pjettursson aamma ilaasortaqa ataseq Kalaallit Nunaanni Politimesterip toqqagaa.

Upalungaarsimanermut ataatsimiititaliaq ataavartumik ataatsimiititaliaanngilaq, taamaattorli ataatsimiititaliat ataavartut allatut suliassaata tassaapput kommunalbestyrelsimiit piumasaqaatigisat. Taamaasilluni suliassatigut pingaarnertigut siunnersuilluni aalajangiissassaaq upalungaarsimatitaaneq pillugu, kommunep ataaniittuni, tassunga ilaallutik siunniussat aamma pingaarnersiunerit. Tamakku assersuutingalugu tassaasinnaapput kommunemi nunap immikkoortuini pilersaarutit upalungaarsimanermut suliassaqaarfimmut tunngasut.

Aningaasaqarnikkut kingunerisinnaasat:

Aningaasaqarnikkut kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq
- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 14, 27. november 2018-meersoq

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikkimi Ataatsimiititaliami aaliangerneq:

*Teknikkimut Ingerlatviup Teknikkimut Ataatsimiittitaliamut inassutigaa:
Ataatsimiittitaliap upalungaarsimanermut ataatsimiittitaliap pilersinnissaa akuersissutigissangaa apeqqullu
kommunalbestyrelsimut ingerlateqqillugu, ilaasortaasinnaasunik innersuutitalimmik ilallugu*

Aalingiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimi Ataatsimiittitaliap Aningaasaqarnermi Ataatsimiittitaliamut inassutingaa
Teknikkimut Ataatsimiittitaliap aaliangernea ilalernerqassasoq*

Aaliangiineq:
Inassuteqaat akuerineqarpoq. Nunaqarfinni upalungaarsimanermut atortut ullormut malinnaasariaqarput.

Inassuteqaat:

Aningaasaqarnermi Ataatsimiittitaliap kommunalbestyrelsimut inassutingaa

Aningaasaqarnermi Ataatsimiittitaliap aaliangenera ilalernerqassasoq

Ilanngussaq:

Soqanngilaq.

Aaliangiineq:

Sag nr.	Sammasaq	Bilag nr.	003
KOM 077	Ilulissani illoqarfiup iluani film-iliutinik pingasunik 'marsertunik' pilersitsinissamut siunnersuut	Journal nr.	

Uteqqiineq:

Ilulissani illoqarfiup qeqqani piffissami kingullermi assingiinnngittunik pisoqallattaarpoq. Tamatuma kingunerisaanik assersuutingalungu Politiinit paasissutissanik innuttaasunut ujartuisoqartarluni. Borgmesterip siunnersuutingaa illoqarfiup qeqqani film-iliutinik sumiiffinni pingasuni 'marsertussanik' pilersitsisoqassasoq. Uani suliami isummerfingineqassooq isunnersuut piviusunngortinneqassanersoq.

Suliap saqqummiunnera:

Borgmesterip kissaatingaa illoqarfimmi assingiinnngittunik pisoqartarnera peqqutingalungu illoqarfiup qeqqani filmiliuteqalissasoq, assersuutingalungu augustip aallartinnerani Ilulissani imerniartarfiup silataani Politiit persuttaanermi takunnittoqarsimaneranik paasissutissanik ujartuipput.

Iluarsinissamut siunnersuut – sammisanut tunngatillugu nalilersuineq

Illoqarfiup iluani filmiliuteqarneq pillungu inatsisitingut aporfeqarnerisooq allattoqarfik misissuivoq, misissuinnermi paasinarsivoq illoqarfiit allat taamatut aaqqiisimasut. Taamatut aaqqiinnermi anguniarneqarsinnaavoq pisortat illuutaanut serlersaarniartunut pinaveersaartitsinissaq, soorlu atuarfinnut, arsaattarfinnut aamma illoqarfimmi sumiiffiit ajortuliorfiukkajuttartut nakkutingineqarnerisingut pinaveersaartitsineq.

Taamatut aaqqiinnermi innuttaasut paasitinneqassapput suna siunertaanersoq ersarissumillu nalunaaqutsisoqarluni.

Ilulissani takorloorneqarpoq filmiliutit pingasut ikkunneqassasut, taakkua tamarmik illoqarfiup qeqqaniipput. Siulleq kalaalimineerniarfiup eqqaanut ikkunneqassooq, uani isikkiviussooq imerniartarfiup silataa.

Aappaa Majoriamut ikkunneqassooq, uani isikkiviussooq imerniartarfiup silataa. Assingiinnngittunik piffissap ingerlanerani imerniartarfiit silataani pisoqallattaavoq, tamatumalu kingunerisaanik Politiit paasissutissanik ujartuisarput, tulluarpooq tassuukut ikiuttoqarsinnaanguni qularnanngittumillu pinaveersaartitsinermik aamma kinguneqarsinnaassooq.

Pingajuat haalimut ikkunneqassooq, uani isikkiviussooq Brugsenip Pisiffiullu silataa. Inuppassuit imerniartarfirmeeerlutik illoqarfiup qeqqa aqqusaartarpaat taamatullu ulluunerani assingiinnngittunik pisoqartarpoq tamakkualu annerusumik nakkutingineqarsinnaanerat siunertaavoq, qularnanngittumik aamma pinaveersaartitsinermik taamatut aaqqiineq kinguneqarsinnaavoq.

Ingerlariaqqinnissaq

Qulequtaq akuerineqaruni allangartat inniminnerneqassapput innuttaasunullu paasititsiniaanerit ingerlanneqassapput. Paasititsiniaanermi ilisimatitsissutaassooq kikkunnit filmiliut iserfingineqarsinnaanersoq, kiisalu suna peqqutaalluni iserfingineqartassanersoq aamma ilisimatitsissutaalluni. Film-it sivilisunerpaamik ukioq ataaseq toqqoqqaneqartassapput.

Aningaasaqarnermi kingunerisinnaasat:

Allattoqarfimmiit qaapiartumik misissuinnermi paasinarsivoq film-iliut ataaseq kr. 3.500,- missaani naleqassasoq, ikkussuunnera ilanngullungu kr. 10.000,- missaani tagginneqarsinnaavoq.

Pingasut kr. 30-40.000,- misaaniinnissaat ilimarnarpoq, Teknikkeqarfimmi garage ataani konto tulluurtumit ingerlanneqassasoq inassutaavoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermi Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermi Ataatsimiititaliamut inassutingaa
Illoqarfiup qeqqani pingasunik film-iliuteqalissasoq inuttaasunik 'marsertunik' ataatsimiititaliap
akuerissangaa*

Aaliangiineq:

Inassuteqaat akuerineqarpoq. Ingerlatsinermut aningaasartuutit kommunalbestyrelse-mut
saqqummiunneqarnissaa kissaatingineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Bilag 003-01: Inatsisilerituup suliap pillungu oqaaseqaataa

Aaliangiineq:



Sag nr.	Sammasaq	Bilag. nr.	004
KOM 078	Mersortarfinnik pilersitsinissaq pillugu siunnersuut, Knud Kristiansen (S)	Journal nr.	

Uteqqiineq:

Avannaata Kommuniiani illoqarfinni mersortarfinnik pilersitsisoqassasoq siunnersuutigineqarpoq, siullermik pisariaqartitsineq, init, aaqqissuussineq, aningaasaqarneq inatsisinullu tunngasut qulaajarlugit misissueqqaarnermik ingerlatsisoqassasoq ingerlatsivimmiit siunnersuutigineqarpoq.

Uani suliami aaliagiiffigineqassooq Avannaata Kommuniiani mersortarfinnik pilersitsinissamut periarfissanik misissuineq ingerlatsivimmiit aallartinneqassanersoq.

Suliap saqqummiunnera:

Kalaallit mersoriaasiat ammereriaasiallu kalaallit kulturikkut kingornussaannut pingaaruteqarluinnarput. Mersoriaatsit qangaaniilli atorineqartut, ilisserutit assassornermilu piginnaasat kinguaariit ingerlaneranni utoqqarnit inuusuttunut ingerlateqqinneqartarsimapput.

Taamaakkaluartoq ilisimasaqarnerup taassuma ilaa piffissap ingerlanerani annaaneqarsinnaavoq. Tamatumunga ilaatigut pissutaasinnaavoq innuttaasut ininik naleqquttunik, atortunik, atortussanik imaluunniit ilitsersorneqarnissamik tamatigut periarfissaqartannginnerat. Peqatigisaanik innuttaasut mersorsinnaallutik, atisanik iluarsaassisinnaallutik amernillu atortussanillu allanik suliaqarsinnaallutik ataatsimoorussamik inissaqartinneqarnissaat pisariaqartinneqarsinnaavoq.

Iluarsiinissamut siunnersuut – sammisamut tunngatillugu nalilersuineq

Tamanna tunngavigalugu Kommunalbestyrelsimut ilaasortaq Knud Kristiansen (S) siunnersuuteqarpoq Avannaata Kommuniiani illoqarfinni mersortarfinnik pilersitsisoqassasoq.

Ingerlatsiviup naliliinera naapertorlugu mersortarfiit kalaallit mersoriaasiisa assassoriaasiisalu eriagineqarnissaannut kinguaariinnullu ingerlateqqinneqarnissaannut iluaqutaasinnaapput. Mersortarfinni innuttaasut assigiinngitsunik ukiullit naapillutik ilisimasanik avitseqatigiinnissaannut kiisalu mersornermut, ammerinnermut atisanillu iluarsaassinnermut piginnaasaminnik ineriartortitsinissaannut periarfissaqalissapput. Suliniut peqatigisaanik atisat amernillu sanaat iluarsaanneqartarnissaannut, atoqqinneqartarnissaannut sivisunerusumillu atorineqartarnissaannut periarfissanik annertusaanikkut piujuartitsinnermut tapertaasinnaavoq. Mersortarfiit aamma ilinniarfiusinnaasunik sammisaqartitsinissamut kiisalu ilaatigut atuarfinnik, ilinniarfeqarfinnik, najukkami peqatigiiffinnik aamma ileqquusumik assassornermi misilittagalinnik suleqateqarnissamut tunngavissiisinnaapput.

Ingerlatsivik maannakkorpiaq kommunip illoqarfiini tamani mersortarfinnik pilersitsinermi aningaasatigut ingerlatsinikkullu kingunerisassat tamarmiusut nalilersornissaannut naammattumik tunngavissaqanngilaq. Taamaattumik misissueqqaarnissaq pisariaqarpoq, ilaatigut makku qulaajarneqassallutik:

- Illoqarfinni ataasiakkaani pisariaqartitsineq kiisalu kikkut atuisussatut naatsorsuutigineqarnersut
- Kommunip illuutaanik pioreersunik atuinissamut periarfissat
- Pequtinik, mersorfinnik, atortunik atortussanillu pisariaqartitsineq
- Aaqqissuussinnermut, sulisoqarnermut ammasarfinnnullu periuserineqarsinnaasut
- Atuartitsinissamut namminerlu kajumissutsimik sammisaqarnissamut periarfissat
- Kittat, KTI, atuarfiit, peqatigiiffiit susassaqtut allat suleqatiginissaannut periarfissat
- Sanaartornermut aningaasartuutit ukiumullu ingerlatsinnermut aningaasartuutissat naatsorsuutigineqartut
- Isertitaqarnissamut periarfissaasinnaasut atuisullu akiliuteqartarnissaat
- Inatsisinut tunngasut, ilanngullugit namminersorlutik ingerlataqartut eqqarsaatigalugit unammilleqatigiinnermut tunngasinnaasut

Ingerlatsiviup naliliinera naapertorlugu misissueqqaarneq suliatigut aningaasaqarnikkullu aalajangiinissamut pitsaanerusumik tunngavissiisaaq. Misissuineq naammassineqarpat kommunalbestyrelsip mersortarfiit pilersinneqassanersut, pilersinneqassappata qanoq aaqqissuunneqassanersut suliniullu qanoq aningaasalersorneqassanersoq inaarutaasumik isummerfigisinnaassavaa.

Ingerlariaqqinnissaq

Inassuteqaat akuerineqarpat Avannaata Kommuniani illoqarfinni mersortarfinnik pilersitsinissamut periarfissanik Ingerlatsivik misissuineramik aallartitsisaaq. Misissuinermut atatillugu Ingerlatsiviup kommunimi immikkoortortaqarfiit attuumassuteqartut suleqatillu avataaneersut peqataatissavai. Tamatuma saniatigut najukkani pisariaqartitat, init naleqquttut, aaqqissuussineq, sulisoqarnikkut pisariaqartitat aningaasaqarnerlu pillugit paasissutissanik katersisoqassaaq. Misissuineq tunngavigalugu Ingerlatsivik aaqqissuussinissamut, aningaasalersuinissamut atuutilersitsisoqarsinnaanerannullu siunnersuutininik imalimmik ataatsimoortumik saqqummiussassamik suliaqassaaq. Tamatuma kingorna kommunip mersortarfiinik pilersitsinissaq inaarutaasumik aalajangiiffigineqartinnagu suliaq politikikkut suliaqqitassanngorlugu saqqummiunneqassaaq.

Aningaasaqarnermi kingunerisinnaasat:

Misissuineq Ingerlatsiviup missingersuutaanut sinaakkusiussat pioreersut iluanni ingerlanneqassaaq, taamaattumik toqqaannartumik aningaasatigut kinguneqassanngilaq. Kommunalbestyrelsip kingusinnerusukkut kommunip mersortarfiinik pilersitsinissaq aalajangiiffigissappagu, ilaatigut ininik naleqqussaannermut, pequtinut, mersorfinnut, atortunut allanut, atortussanut, sulisoqarnermut ingerlatsinermullu ingerlaavartumut aningaasartuuteqartoqarnissaa naatsorsuutigineqassaaq. Misissuinermi pilersitsinermut ingerlatsinermullu aningaasartuutissatut naatsorsuutigineqartut kiisalu aningaasalersuinissamut isertitaqarnissamullu periarfissat qulaajarneqassapput. Taamaattumik aningaasatigut kingunerisassat tamarmiusut suliami kingusinnerusukkut saqqummiunneqassapput.

Inatsisitigut tunngavigisat aamma toqqammavissiisutut allagaatit:

- Kommunit aquunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Avannaata Kommuniani illoqarfinni mersortarfinnik pilersitsinissamut periarfissanik misissuineramik ingerlatsiviup aallartitsinissaa akuerissangaa, kiisalu
Misissuinerup inernera pilersitsinissaq aningaasalersuinissarlu aalajangiiffigineqartinnagit politikikkut suliaqqitassanngorlugu saqqummiunneqarnissaa akuerissangaa*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliami Aningaasaqarnermut Ataatsimiititaliamut inassutigivaa:

Ataatsimiititaliap aaliangernera akuerineqassasoq.

Aaliangiineq:

Inassuteqaat akuerineqarpoq, namminersortunut unammillinnginnissaa kissaatingineqarpoq, misissorneqassasoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Bilag 004-01: Kommunalbestyrelsimi ilaasortap Knud Kristiansen-ip (S) mersortarfinnik pilersitsisoqarnissaa pillugu siunnersuutaa

Aaliangiineq:

--

Sag nr.	Sammisag	Bilag. nr.	005
KOM 079	Illoqarfinni, inoqarfinnilu mikinerusuni aasaanerani sammisasaqartitsinissaq pillugu siunnersuut, Jens Napâtôk' (N)	Journal nr.	

Uteqqiineq:

Avannaata Kommuniata meeqqanut, inuusuttunut ilaqutariinnullu aasaanerani pitsaaliuinermit sammisassanut pilersaarummik suliaqarnissaq siunnersuutigineqarpoq. Sammisassat pitsaasumik ataatsimoorfiusunik pilersitsissapput, atuarfiit aallaavigalugit ingerlanneqarsinnaallutik, taakkulu aasaanerani atuangiffeqarnerup nalaani sammisasaqartitsinermit unnuiffissatullu atorneqarsinnaassallutik.

Uani suliami aalajangiiffigineqassaaq aasaanerani tullermi aallartisaanissaq siunertaralugu Ingerlatsivik ataatsimut suliniummut aningaasalersuinernullu pilersaarummik suliaqassanersoq.

Suliap saqqummiunnera:

Kommunimi nunap immikkoortua annertuumi siammarsimavoq, illoqarfiit inoqarfiillu mikinerusut akornanni ungasissutsit annertupput. Inoqarfinni mikinerusuni meeqqat inuusuttullu amerlasuut kommunimi ataatsimoorfiusumik aaqqissuussinermit peqataasinnaanerat killeqarpoq.

Taamaattumik aasaanerani ataatsimoornermik, toqqissisimanermik ilaqutariillu peqataanerannik nukittorsaasunik sammisasaqartitsinissaq pisariaqarpoq. Atuarfiit aasaanerani atuangiffeqarnerup nalaani annikitsuinnarmik atorneqartarput, taamaattumillu najukkami sammisasaqartitsinermit unnuiffissatullu atorneqarsinnaanissaat periarfissaasinnaavoq. Suliniummullu ataatsimut pilersaarut missingersuutillu maannakkut sulii pigineqanngillat.

Iluarsiiinissamut siunnersuut – sammisamut tunngatillugu nalilersuineq

Kommunalbestyrelsimut ilaasortap Jens Napâtôk'-p (N) siunnersuutigaa Avannaata Kommuniata illoqarfinni inoqarfinnilu mikinerusuni pitsaaliuinermit suliaqarnera aasaanerani sammisasaqartitsinikkut nukittorsarneqassasoq, atuarfiit sammisasaqartitsinermit atorneqassallutik ilaqutariillu peqataatinneqassallutik.

Aasaanerani aaqqissuussamik sammisasaqartitsinerit meeqqanut, inuusuttunut ilaqutariinnullu pitsaasunik toqqissisimanartunillu ataatsimoorfiusinnaapput. Sammisassat ilaatigut timersornermut, piorsarsimassutsimut, nipilersornermut, eqqumiitsuliornermut, pinngortitami sammisasaqarnermut kiisalu ilaqutariit ataatsimoornerannik nukittorsaasunik sammisasaqartitsinermit tunngasinnaapput. Suliniut meeqqat inuusuttullu siunertaqarluartunik sammisasaqartinnerisigut inersimasunillu najuuttunik peqateqartinnerisigut kiserliornermut, toqqissisimannginnermut, atonerluinermit pinerluttuliornermullu pitsaaliueqataasinnaavoq. Peqatigisaanik najukkami peqatigiiffinnik, nammineq kajumissutsiminnik suliaqartunik, timersornermik aqutsisunik, piorsarsimassutsikkut suliaqartunik pitsaaliuinermillu suliaqartunik suleqateqarneq suliniutip najukkami tunngaveqarnissaanut iluaqutaasinnaavoq, sammisassallu inoqarfiup ataasiakkaap pisariaqartitaanut periarfissaanullu naleqqussarneqarnissaat qulakkeerneqarsinnaalluni.

Atuarfiit sammisasaqartitsinermit unnuiffissatullu atorneqassappata, ilaatigut isumannaallisaaneq, ikuallattoornissamut isumannaallisaaneq, eqqiaaneq, nakkutilliineq, akisussaaffik, sillimmasiineq ingerlatsinerimullu aningaasartuutit ilassutaasinnaasut paasiniarneqaaqqaartariaqarput.

Taamaattumik Ingerlatsiviup inassutigaa aallaqqaammut suliniummut ataatsimut pilersaarummik aningaasalersuinissamullu pilersaarummik suliaqartoqassasoq. Pilersaarummi kikkut sullinneqarnissaat, sammisassat, aaqqissuussineq, najukkami suleqatigisassat, angallassineq, sulisusaqartitaanissaq kiisalu atuarfiit atorneqarnissaannut atugassarititaasut nassuiarneqassapput. Peqatigisaanik suliniut kommunip aningaasaataasa kiisalu aningaasaateqarfinnit, Namminersorlutik Oqartussanit, suliffeqarfinnit suleqatiniillu allanit avataaneersunit tapiissutit ataatsimoorutillugit aningaasalersorneqarsinnaanersoq misissorneqassaaq.

Ingerlariaqqinnissaq

Inassuteqaat akuerineqarpat, aasaanerani tullermi suliniutip aallartinneqarnissaa siunertaralugu Ingerlatsivik suliniummut ataatsimut pilersaarummik aningaasalersuinissamullu pilersaarummik suliaqassaaq. Pilersaarut atuarfiit, nunaqarfinni aqutsisut, peqatigiiffiit, namminneq kajumissutsiminnik suliaqartut pitsaaliuinemillu sulisut attuumassuteqartut oqaloqatigalugit suliarineqassaaq.

Pilersaarut naammassineqartoq missingersuutininik aningaasalersuinissamullu siunnersuummik ilaqartoq sammisassat aallartinneqannginneranni politikkikkut akuerisassanngorlugu kingorna saqqummiunneqassaaq.

Aningaasaqarnermi kingunerisinnaasat:

Suliniummut aningaasalersuinermullu pilersaarutip suliarineqarnera Ingerlatsiviup sulisuminik atuinerata saniatigut nammineq toqqaannartumik aningaasatigut kinguneqassanngilaq.

Aasaanerani sammisassat ingerlanneqassappata ilaatigut angallassinermut, sutugassaqartitsinermut, sammisassanut atortussanut, ataqatigiissaarinermut, sulisussaqtartitaanermut, eqqiaanermut kiisalu atuarfiit atorneqarnissaannut atatillugu ingerlatsinermut aningaasartuutaasinnaasunut aningaasartuuteqassaaq. Sammisassat, peqataasussat amerlassusaat inoqarfillu suliniummut ilaatinneqartut erseqqinnerusumik paasineqarpata aatsaat aningaasartuutit annertussusaat aalajangersarneqarsinnaassaaq.

Aningaasaateqarfinnit, Namminersorlutik Oqartussanit, suliffeqarfinnit suleqatiniillu allanit avataaneersunit aningaasalersorneqarsinnaanera pilersaarusiornermut atatillugu misissorneqassaaq. Kommunimit aningaasalersuinissaq pisariaqartinneqassappat, tamanna kingusinnerusukku politikkikkut suliasami saqqummiunneqassaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kulturikkut ingerlatsineq sunngiffimmilu sammisassaqtartitsineq pillugit Inatsisartut inatsisaat nr. 5, 6. juuni 2016-imeersoq
- Timersorneq timigissarnerlu pillugit Inatsisartut inatsisaat nr. 15, 6. juuni 2016-imeersoq

Suliamik isumaginninneq:

Piorsarsimassutsimut, Atuartitaanermut, Meeqquveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqquveqarnermullu Ataatsimiititaliami aaliangiineq:

Piorsarsimassutsimut, Atuartitaanermut Meeqquveqarnermullu Ingerlatsiviup Piorsarsimassutsimut, Atuartitaanermut, Meeqquveqarnermullu Ataatsimiititaliamut inassutingaa:

Avannaata Kommuniani meeqqanut, inuusuttunut ilaqutariinnullu aasaanerani pitsaaliuinnermut sammisassat aasaanerani tullermi aallartinneqarnissaat siunertaralugu Ingerlatsivik suliniummut pilersaarummik aningaasalersuinissamullu pilersaarummik suliaqassasoq akuerissangaa, kiisalu Pilersaarummi sammisassat, kikkut sullinneqarnissaat, aaqqissuussineq, aningaasaqarneq, aningaasalersuineq kiisalu nunaqarfinni atuarfiit atorneqarsinnaanerat nassuiarneqassasut akuerissangaa, kiisalu

Suliniummut aningaasalersuinissamullu pilersaarut naammassineqartoq sammisassat aallartinneqannginneranni politikkikkut akuerisassanngorlugu saqqummiunneqarnissaa akuerissangaa

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermut Ataatsimiititaliamut inassutigivaa:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap aaliangernera akuerineqassasoq.

Aaliangiineq:

Amerlanerussuteqarut Naleraq Siumut innersuunneqartoq akueraat. , illuatungiliuttut itingartitsissutingaat.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Bilag 005-01: Kommunalbestyrelsimi ilaasortap Jens Napâtôk'-p (N), Illoqarfinni inoqarfinnilu mikinerusuni aasaanerani sammisaqartitsinissaq pillugu siunnersuutaa

Aaliangiineq:

Sag nr.	Sammasaq	Bilag. nr.	006
KOM 080	Inissiaatileqatigiiffik A/S INI-miit attartornermut akinut aaqqiinissamut missingersuutissatut siunnersuutit 2027	Journal nr.	

Uteqqiineq:

Kommune tingusaqarnikuuvoq nammineq inissiaatiminik, inissiaatileqatigiiffiit immikkoortoqarfiisa 2027-mut missingersuutaannut siunnersuut, allaffissornikkut ingerlanneqartumit inissiaatileqatigiiffik INI A/S-mit. Uanilu inassuteqaatigineqartoq isummerfigineqassaaq.

Suliap saqqummiunnera:

INI A/S-imit missingersuutissatut siunnersuutigineqartut, attartortunut nassiutiginneranni piginnittuusut missingersuusianut siunnersuutit akuereqqaartussaavaat, missingersuusiallu aappaagumut atuutsinneqalinnginnerini tamanna qaammatinik pingasunik sioqqutsilluni ilimasaarutigineqareersimasussaavoq attartortunut.

Missingersuutitut siunnersuutit piviusorsiorsinnaaneq, pingaartumik iluarsaatassat annertuut aammalu akit qaffakkiartornerat aallaavigalugu suliapput, taamaasilluni inissiaqarfiit immikkoortortaqarfii siunissami imminut nammattumik aningaasaqarnertik ingerlassinnaaqullugu.

INI A/S missingersuusiatigut siunnersuusiorsimavoq allaavimigut qulakkeerniarlugu aningaasartuutissanik illikartitsisoqassasoq siorna aningaasartuutitigut naleqqussaanissaq pisariaqartitsineq naapertorlugu. Ataasiakkaanili sipaarniarnikkut annertuumik ingerlatsisoqarpoq inigisamik akiliutit naleqqussarniarlugit pisariaqartitsilernissaq annikillissarniarlugu, taamatullu inissialiornernut sanaartornikkut aserfallatsaaliinernullu akit qaffannikuunerat peqqutigalugu.

Missingersuusianilu iluarsartuussinissamut matussutissaa innersuussutigavaat piginnittut pissarsiaasaaniik kr. 3.356.664-niik kr. 1.437.779-sit matussuserneqassasut. Inissiaateqarfiup immikkoortua 361, Uummannaq, 365 Upernavik aammalu 375 Qaanaaq ingerlatsinikkut pisariaqartitaminnik qinnuteqaateqarput ineqarnermut akiliut 3,0%-mik qaffanneqassasoq, iluarsartuussinernut aserfallatsaaliinernullu suliqaarnissamut inissaqartitsiumalluni.

Iluarsiinissamut siunnersuut – sammisamut tunngatillugu nalilersuineq

Ingerlatsinikkut matussutissanik naammattunik akuersisoqanngippat taava inissiaateqarfiit immikkoortoqarfii tamarmik, aningaasaqarnikkut ukiuni aggersuni missingersuusiorfiusuni oqimaarsartinneqassapput. Inassuteqaatilli akuerineqarpata pingaaruteqartut iluarsartuunnissaanut tulleriaarneqarlutik iluarsartuunneqassapput.

Aningaasaqarnermi kingunerisinnaasat:

Kommunep najugaqarfiutai INI A/S-mit aqunneqartut piginnittumut akiliutit missingerneqarput katillugit kr. 3.356.664,- taakkualu piginnittumut ukiup naanerani tunniunneqartarput. Taannalu akiliutaasartoq maleruagassaniippoq.

Ineqarnermut akiliutissatut qaffaassutaa akuerineqassappat, assersuutigalugu inissiaq 95,0 kvm. qaammammut akeqartoq kr. 6.103,75, siunnersuut 3,0%-ti qaffaassutigissavaa kr. 183,11 qaammammut.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigivaa:
Inissiaatileqatigiiffiup INI A/S-ip inassuteqaataa attartornermut akiliutinik 3,0%-imik qaffaassutissaq
piginnittut pissarsiassaaniik matussuserneqassasoq itigartissagaa, qaffaatissarlu attartortuniik
matussuserneqassasut*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Bilag 006-01: Budget 2027 – Avannaata Kommunia

Aaliangiineq:

Sag nr.	Sammisag	Bilag. nr.	007
KOM 081	Imminut toquttarneq pinaversaartinniarlugu suliniuteqarnissamut siunnersuut, Ole Møller (N)	Journal nr.	

Uteqqiineq:

Imminut toquttarneq inuiaqatigiinni ajornartorsiutaavoq ilungersunartoq, ataasiakkaanut, qanigisaasunut nunaqqatigiinnullu annertuumik kinguneqartartoq. Taamaattumik Avannaata Kommuniata pitsaaliuineramik suliniutaasa qanoq nukittorsarneqarsinnaanersut misissorneqarnissaat pisariaqarpoq. Uani suliami aalajangiiffigineqassaaq suliaassarfiit akimorlugit suleqatigiissitamik pilersitsisoqassanersoq, suleqatigiissitallu pitsaaliuineramik suliniutit maanna ingerlanneqartut qulaajassagai imminullu toquttarnerup pinaveersaartinneqarnissaanut kommunimi iliuusissatut pilersaarummik siunnersuusiussasoq.

Suliap saqqummiunnera:

Avannaata Kommuniiani imminut toquttarnerup kingunerisaanik innuttaasut suli annaaneqartarput. Imminut toquttoqarnera tamatigut alianartorujussuavoq ilaqutariinnullu, ikinngutinut nunaqqatigiinnullu tamanut annertuumik sunniuteqartarluni.

Imminut toquttarnermut pissutaasut amerlanertigut paasiuminaatsuupput, taamaattumillu pitsaaliuineq kommunip, peqqinnissaqarfiup oqartussaasullu attuumassuteqartut allat akornanni ataqatigiissaarluakkamik suliniuteqarnissamik pisariaqartitsivoq. Neqeroorutit maanna piusut ataatsimut qulaajarneqarnissaat suliniutillu qanoq nukittorsarneqarsinnaanerata nalilerneqarnissaa pisariaqarpoq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsimut ilaasortap Ole Møllerip (N) siunnersuutigaa Avannaata Kommuniata imminut toquttarnerup pinaveersaartinneqarnissaanik suliniutini nukittorsassagai. Siunnersuummi aallaavigineqarpoq imminut toquttarnerup kingunerisaanik kommunimi innuttaasut amerlavallaat annaaneqartarmata, innuttaasullu arlaannaalluunniit taamatut annaaneqannginnissaa anguniarlugu kommuni suliniuteqartariaqartoq.

Ingerlatsiviup naliliinera naapertorlugu kommunip suliniutai, neqeroorutai suleqatigiinnerilu maanna piusut ataatsimut qulaajarneqaaqartariaqarput. Imminut toquttarnerup pinaveersaartinneqarnera kommunimi suliaassarfinnut arlalinnut kiisalu peqqinnissaqarfimmut, Namminersorlutik Oqartussanut oqartussaasunullu kattuffinnullu allanut attuumassuteqarpoq. Taamaattumik kommunip suliaasaq kisimiilluni naammassisinnaangilaa.

Tamanna tunngavigalugu Ingerlatsiviup siunnersuutigaa suliaassarfiit akimorlugit suleqatigiissitamik pilersitsisoqassasoq, kommunimi suliaassarfinnit attuumassuteqartunit avataaneersunillu suleqatigisartakkanit sinnisoqartumik. Ilaatigut Peqqissuseq Sunngiffillu, isumaginninnermut tunngasut, atuarfiit, kommunip ajornartorsiornermi ikiuuttarnera, peqqinnissaqarfik, Paarisa, politiit kattuffiillu attuumassuteqartut peqataasinnaapput.

Suleqatigiissitap makku suliaassarissagai siunnersuutigineqarpoq:

- Neqeroorutit pitsaaliuinermillu suliniutit pioreersut paasiniarnissaat
- Oqartussaasut suliaqartullu attuumassuteqartut suleqatigiinnerannik naliliinissaq
- Imminut toquttoqarnerani imminullu toqoriartoqarnerani kommunip upalungaarsimaneramik naliliinissaq
- Navianartorsiortut siusinnerusukkut paasineqarnissaannut ikiorneqarnissaannullu periarfissanik misissuineq
- Qanigisaasunut qimagaasunullu ikorfartuineramik naliliinissaq
- Aalajangersimasunik inassuteqaateqartumik kommunimi iliuusissatut pilersaarummik siunnersuusiornissaq

Ingerlatsiviup naliliinera naapertorlugu suleqatigiissitap suliniutinut ataqatigiinnerusumik anguniagaqarnerusumillu ingerlanneqarsinnaasunut tunngavissiisinnavaq. Sulineq Namminersorlutik Oqartussat, peqqinnissaqarfiup suliaqartullu attuumassuteqartut allat suliniutaannut pioreersunut ataqatigiissaarneqassaaq. Peqatigisaanik kommunip inissisimanera akisussaaffialu oqartussaasut allat akisussaaffiit naleqqiullugit killilernerqassapput.

Aaqqiissutissatut siunnersuummi periarfissat:

- Neqeroorutit suliniutillu pioreersut ataatsimut paasiniarneqassapput
- Oqartussaasut suliaqartullu attuumassuteqartut suleqatigiinnerat nukittorsarneqarsinnaavoq.
- Siusinnerusukut paasinninnissamut ikorfartuinissamullu periarfissat pitsannorsarneqarsinnaapput.
- Kommunalbestyrelsi suliniutit aggersut salliutinnissaannut suliamut tunngatillugu tunngavissaqalissaaq.

Suliniummik ingerlatsinermi eqqumaffigineqartussat:

- Suliaq allaffissornikkut nukissanik ataqatigiissaarinermillu pisariaqartitsivoq.
- Avataaneersunit suleqatigisassat attuumassuteqartut peqataasariaqarput.
- Suliniutit nutaat aningaasalersuinermik sulisunillu ilassuteqartariaqalersitsisinnaapput.
- Pitsaaliuinermik suliniutit sunniutaat amerlanertigut aatsaat piffissaq sivisunerusoq ingerlareersoq takuneqarsinnaasarput.

Ingerlariaqqinnissaq

Inassuteqaat akuerippat, Ingerlatsivik suliaqarfiit akimorlugit suleqatigiissitamik pilersitsissaaq sulinermullu suliaqassalluni.

Suleqatigiissitap suliniutit maanna ingerlanneqartut qulaajassavai kommunimilu iliuusissatut pilersaarummut siunnersuummik suliaqassalluni. Iliuusissatut pilersaarut tamatuma kingorna politikikkut suliarineqartussanngorlugu saqqummiunneqassaaq. Siunnersuutit aningaasatigut sulisutigulluunniit kinguneqartussat immikkut saqqummiunneqassapput.

Aningaasaqarnermi kingunerisinnaasat:

Qulaajaaneq iliuusissatullu pilersaarummut siunnersuummik suliaqarneq aallaavittut Ingerlatsiviup maanna sinaakkutaasa iluanni ingerlanneqassasoq naatsorsuutigineqarpoq.

Suleqatigiissitap sammisassanik nutaanik, piginnaasanik ineriartortitsinermik, ajutoortoqartillugu upalungaarsimanerup nukittorsarneqarnissaaq sulisunilluunniit amerlanerusunik pisariaqartitsinermik inassuteqarpat, siunnersuutit missingersuutinut naatsorsuutinik aningaasalersuinissamullu siunnersuutinik ilaqartillugit immikkut saqqummiunneqassapput. Peqatigisaanik avataaneersunit aningaasalersorneqarnissamut attuumassuteqartunillu suleqateqarnissamut periarfissat misissorneqassapput.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqquqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqerveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqerveqarnermullu Ingerlatsiviup Piorsarsimassutsimut, Atuartitaanermut, Meeqqerveqarnermullu Ataatsimiititaliamut inassutingaa:
Avannaata Kommuniata imminut toquttarnerup pinaveersaartinneqarnissaanut suliniutaasa nukittorsarneqarnissaannik siunnersuut akuerineqassasoq,
Ingerlatsivik suliaasaqarfiit akimorlugit suleqatigiissitamik pilersitsinissaa akuerineqassasoq, kiisalu Suleqatigiissitap qulaajaanera imminullu toquttarnerup pinaveersaartinneqarnissaanut kommunimi iliuusissatut pilersaarummut siunnersuutaa tamatuma kingorna politikkikkut suliarineqartussanngorlugu saqqummiunneqarnissaat akuerineqassasoq*

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqerveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqerveqarnermullu Ataatsimiititaliami aaliangerneq ilalerneqassasoq

Aaliangiineq:

Inassutiginartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag 007-01: Kommunalbestyrelsimi ilaasortap Ole Møller-ip (N) imminut toquttarneq pinaveersaartinniarlugu suliniuteqarnissaq pillugu siunnersuutaa

Aaliangiineq:

Sag nr.	Sammisag	Bilag. nr.	008
KOM 082	Katersugaasiviit anigaasaateqarfeqalernissaannut siunnersuut	Journal nr.	

Uteqqiineq:

Avannaata Kommuniata katersugaasiviisa ilaatigut isissutissanit tuniniaanermillu isertitaat annertusiartorput. Peqatigisaanik katersugaasiviit illutaasa arlallit iluarsaanneqarnissamik ineriartortinneqarnissamillu pisariaqartitsipput, katersugaasivimmut anigaasaateqarfimmik pilersitsinikkut aaqqiissuteqarnissamik siunnersuummik saqqummiussisoqarpoq. Uani suliami aaliangiiffigineqassooq katersugaasivinnut anigaasaateqarfimmik pilersitsinissamut suliaq nanginneqassanersoq.

Suliap saqqummiunnera:

Kommunip katersugaasivii arlallit illutoqqani, eqqissimatitanik imaluunniit eriagisariaqartuni inissisimapput. Illuutit aserfallatsaalineqarnissaat kommunip akisussaaffigaa, iluarsaanissamulli sanaartormullu suliasat pisariaqartut kommunip illuutaanut allanut pisariaqartitanut unammillertarput. Taamaattumik katersugaasiviit isertitaasa amerliartuinnartut ilaannik illutaasa atortuisalu siunissaq ungasinnerusoq eqqarsaatigalugu pitsanngorsarneqarnissaannut atorneqarsinnaaqqullugit aaqquissuussinissamik misissuisoqartariaqarpoq.

Iluarsiinissamut siunnersuut – sammisamut tunngatillugu nalilersuineq

Katersugaasiviit imarisamikkut paasissutissiisarnermikkullu ineriartortinneqarnerat katersugaasivinni aqutsisut isumagisaraat, kommunillu piginnittutut katersugaasiviit illutaat kommunip pigisai akisussaaffigai. Illuutit arlallit pisoqaapput, eqqissimatitaallutik imaluunniit eriagisariaqarlutik, ingerlaavartumillu aserfallatsaalineqarlutillu iluarsaanneqartariaqarlutik. Peqatigisaanik illuutit ilaat pulaartartut amerliartuinnarnerannut naleqqussagaasimanngillat.

Ilulissat Katersugaasiviani ukiumut pulaartartut 12.000-it sinnerlugit amerlassuseqarput. Pulaartartut amerliartornerat katersugaasiviullu pisiniarfiata ineriartortinneqarnera isertitat amerliartornerannik kinguneqarput, isertitallu kommunip ataatsimut missingersuutaanut naatsorsuutaanullu ilanngunneqartarput. Kommunip katersugaasiviini allani aamma isertitat amerliartornissaat naatsorsuutigineqarpoq.

Missingersuutit naatsorsuutaat pillugit Inatsisartut inatsisaat naapertorlugu kommunalbestyrelsip kommunimi sanaartormut iluarsaanermullu anigaasaateqarfimmik pilersitsinissaq akuersissutigisinnaavaa.

Anigaasaateqarfik missingersuusiormi naatsorsuusiormilu atorneqartussatut kommunip karsianut ilaavoq. Ukiumoortumik missingersuutini sanaartormut aningaasaliissutit kingusinnerusukkullu ilassutitut aningaasaliissutit akuerineqartut anigaasaateqarfimmi isertitatut naatsorsorneqarsinnaapput.

Taamaallilluni inatsit kommunip katersugaasiviisa illutaasa iluarsaanneqarnissaannut ineriartortinneqarnissaannullu sanaartormut aningaasaliissutinik immikkoortitsinissamut periarfissiivoq.

Aningaasat immikkoortinneqartussat pillugit kommunalbestyrelsip aningaasaliissuteqarnissamik aalajangiinissaa pisariaqarpoq. Taamaattumik katersugaasiviit isertitaat ukiup naanerani toqqaannartumik anigaasaateqarfimmut nuunneqarsinnaanngillat.

Kommunip sanaartormut iluarsaanermullu anigaasaateqarfiata iluani katersugaasivinnut immikkut ittumik aaqquissuussinermik pilersitsinissaq siunnersuutigineqarpoq. Ukiumoortumik missingersuusiormi katersugaasiviit naatsorsuutaat tunngavigalugit katersugaasiveqarnermut qanoq annertutigisumik aningaasaliisoqassanersoq aalajangiiffigineqarsinnaavoq.

Aningaasat immikkoortinneqartut sanaartormut, iluarsaanermut illuutinillu annertunerusumik pitsanngorsaanermut taamaallaat atorneqassapput. Aningaasat ilaatigut avataaneersunut anigaasaateqarfinnut qinnuteqarnermi kommunip nammeneq aningaasaleeqataaneranut atorneqarsinnaassapput. Nalinginnaasumik ingerlatsinermut, akissarsianut katersugaasivinnilu ingerlaavartumik sammisassanut atorneqassanngillat.

Ingerlariaqqinnissaq

Akuerineqarpat kommunip sanaartornermut iluarsaanermullu aningaasaateqarfiata iluani katersugaasivinnut aaqqissuussinnermut tunngavissat sukumiinerusut Allaffeqarfiup suliarissavai.

Tunngavissani ilaatigut makku nassuiarneqassapput:

- Ukiumoortumik missingersuusiordermi katersugaasiveqarnermut sanaartornermut aningaasaliissutit annertussusaat qanoq aalajangiiffineqartassanersut
- Aningaasat sanaartornermut iluarsaanermullu suliassanut sorlernerut atorneqarsinnaanersut
- Kommunip katersugaasiviisa akornanni qanoq tulleriiaarisoqassanersoq
- Aningaasat atorneqarnissaannut siunnersuutit politikikkut qanoq saqqummiunneqartassanersut
- Aningaasat qanoq missingersuusiorderneqarlutillu naatsorsuutitut ilanngunneqartassanersut.

Katersugaasivinni aqutsisut ukiut tamaasa sanaartornermut iluarsaanermullu suliassat tulleriiaarneqarnissaannut siunnersuummik suliqaassapput. Suliniutit aningaasaliissutillu aalajangersimasut kommunip missingersuusiordermut aningaasaliissuteqarnermullu malittarisassai atuuttut naapertorlugit politikikkut akuerisassanngorlugit saqqummiunneqassapput.

Aningaasaqarnermi kingunerisinnaasat:

Aaqqissuussinerup pilersinneqarnera nammeneq aningaasartuutit nutaanik kinguneqassanngilaq.

Aningaasatigut kingunerisassat aatsaat kommunalbestyrelsip katersugaasiveqarnermut sanaartornermut aningaasaliissutit immikkoortitsinissamik aalajangiinnerani pilersinnaapput.

Katersugaasiviit isertitaqarnerisa ilaannut naapertuuttumik aningaasaliisoqarpat, aningaasat taakku kommunip ingerlatsinermit sanaartornermulluunniit suliassanut allanut atorneqarsinnaassanngillat. Taamaattumik ukiumoortumik aningaasaliissutit annertussusaat kommunip ataatsimut missingersuusiorderanut atatillugu nalilerneqartassaaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Katersugaasiveqarneq pillugu Inatsisartut inatsisaat nr. 8, 3. juuni 2015-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat pillugu Namminersorlutik Oqartussat nalunaarutaat nr. 83, 4. decembari 2025-meersoq
- Avannaata Kommuniata missingersuusiordermut aningaasaliissuteqarnermullu malittarisassai atuuttut.

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq

Aningaasaqarnermut Ataatsimiititaliaq

Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Kommunip sanaartornermut iluarsaanermullu aningaasaateqarfiata iluani katersugaasivinnut immikkut ittumik aaqqissuussinermik pilersitsinissamut suliap ingerlatiinnarneqarnissaa akuerineqassasoq, aamma Aaqqissuussinermi aningaasat katersugaasiveqarnermi sanaartornermut, iluarsaanermut illuutinillu annertunerusumik pitsanngorsaaneqarnissaa taamaallaat atorineqassasut, kiisalu Aaqqissuussinerup aningaasalersorneqarnissaanut, tulleriiaariffiqarneqarnissaanut politikkikkullu akuerineqarnissaanut tunngavissat sukumiinerusut Ingerlatsiviup suliarissagai

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalerneqassasoq

Ilanngussaq:

Soqanngilaq

Aaliangiineq:

Sag nr.	Sammissaq	Bilag. nr.	009
KOM 083	Inuusuttunut sullivinnik pilersitsinissaq pillugu siunnersuut, Kund Kristiansenip (S)	Journal nr.	

Uteqqiineq:

Avannaata Kommuniiani inuusuttut ilinniaqqinnissamut imaluunniit suliffissarsiornissamut aqutissiuunneqarnissaminut pisariaqartitsisut amerlapput. Siunnersuutigineqarpoq “Inuusuttut Sulliviat” Pilersitsiviit assigalugit pilersinneqassasoq, ilaatigut Ilulissani Pilersitsivimmi misilittakkanik aamma ilisimaleriikkani atuilluni ineriartortitsisoqassasoq.

Uani suliami aaligiiffigineqassaaq siunnersuut Avannaata kommuniani ineriartortinneqassanersoq.

Suliap saqqummiunnera:

Avannaata Kommuniiani inuusuttut 16-25-vit tikillugit ukiullit affai, amerlanerusulluunniit ilinniaratillu suliffeqanngillat.

Ilulissani pilersitsivik ingerlalernekuuvoq, kommunillu sinnerani assingusumik periarfissiisoqarnissaa pisariaqarpoq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsimi ilaasortaq Knud Kristiansen (S), siunnersuuteqarpoq inuusuttunut sullivinnik pilersitsiviit assigalugit pilersitsisoqassasoq.

Inuusuttut Sulliviat pilersinneqassappat, periarfissaqarpoq inuusuttunut siusissukkat takuneqarsinnaasunik, oqaloqatigineqarsinnaasunik aammalu ingerlariaqqinnissamut aqutissiuunneqarsinnaasunik tapersuinnissamik. Majoriaq, kommuni aammalu Namminersorlutik Oqartussat suleqatigiinnerisigut aqqissuussineq pitsaanerusumik ingerlasinnaavoq, taamaalilluni immikkoortortaqarfiit akornanni attaveqarneq sukumiinerulersillugu.

Ilulissani Pilersitsivik misilittakkanik takutitsivoq suli ineriartortitsineq pisariaqartoq, ilaatigut ilinniartitsisut immikkut ittut amigaataammata, taamaalilluni periarfissat pitsanngorsarneqarnissaat kommunimi suliassaqaarfiulluni.

Suliniutip iluaqutai tassaapput inuusuttunut siusissukkat ikiorserneqarnissamut periarfissat annertusarneqarnissaat, ingerlariaqqinnissamut ilinniagaqarnissamullu periarfissarissaarnerulernissaq, aammalu aningaasaqarnikkut inooqataanermullu aallaaveqarluni suliffissanik ineriartortitsineq.

Unammilligassat pingaernerit tassaapput ilinniartitsisut amigaataasut aammalu immikkoortortap aallartinneqarnissaa pilersaaruserluarneqartariaqarluni, kisianni suleqatigiinneq pitsanngorsarneqassappat unammilligassat annikillisinneqarsinnaapput.

Suliamut tunngasut pillugit Inuusuttut Sulliviat kommunimi ungasinnerusoq eqqarsaatigalugu iluaqutaasinnaavoq, inuusuttunut ingerlariaqqinnissamut, ilinniagaqarnissamut aammalu suliffissarsiornissamut periarfissanik pitsanngorsarluni, kiisalu inuiaqatigiinni peqataalernissamut tapersuinnermik annertusaalluni. Taamaattumik siunnersuut naleqquttorujussuuvoq, aammalu kommunip pisariaqartitaanut tulluurtumik ineriartortinneqarsinnaasoq.

Ingerlariaqqinnissaq

Inassuteqaat taamatut isikkoqartillugu akuerineqarpat, Inuusuttut Sulliviat pillugu inissitsiterineq aallartinneqassaaq, tamakkualu Majoriaq immikkoortoqarfii suleqatigalugit suliarineqassaaq, suleqatigiinnissamullu Ilulissani Pilersitsivimmi Namminersornerullutik oqartussat Pilersitsiviimi isumaqatigiissutaat tunaartaralugu ingerlanneqassalluni.

Aningaasaqarnermi kingunerisinnaasat:

Aningaasartuutit tulliani politiskimut saqqummiunneqassapput, naatsorsuutigineqarsinnaallutillu:

Atorfinitsitsinermut aningaasartuutit.

Immikkoortortap ingerlatsineranut aningaasartuutit.

Ilinniartitsisunik immikkut ittunik atorfinitsitsinermut aningaasartuutit.

Aningaasartuutit affai Naalakkersuisunik ukiumut aningaasaliiffigineqarsinnaanerit.

Inatsisitigut tunngavigisat aamma toqqammavissiisutut allagaatit:

- Kommunit aquunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqquveqarnermullu Ataatsimiititaliaq

Aningaasaqarnermullu Ataatsimiititaliaq

Kommunalbestyrelsi

Piorsarsimassutsimut, Atuartitaanermut, Meeqquveqarnermullu Ataatsimiititaliami aaliangiineq:

Piorsarsimassutsimut, Atuartitaanermut Meeqquveqarnermullu Ingerlatsiviup Piorsarsimassutsimut, Atuartitaanermut, Meeqquveqarnermullu Ataatsimiititaliamut inassutingaa:

Inuusuttunut sullivinnik pilersitsinissamik siunertaqarluni misissuinissap aallartinneqarnissaa akuerineqassasoq, kiisalu

Majoriaq, kommuni kiisalu Namminersorlutik Oqartussat akornanni suleqatigiinnissamut isumaqatigiissut atorlugu sukumiinerusumik sulisoqarnissaa akuerineqassasoq, kiisalu

Misissuinerup inernera pilersitsinissaq aningaasalersuinissarluni aalajangiiffigineqartinnagit politikkikkut suliareqqitassanngorlugu saqqummiunneqarnissaa akuerineqassasoq

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqquveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqquveqarnermullu Ataatsimiititaliami aaliangerneq ilalerneqassasoq

Aaliangiineq:

Inassutigineqartoq akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalernerqassasoq

Ilanngussaq:

Bilag 009-01: Kommunalbestyrelsimi ilaasortap Knud Kristiansen-ip (S), Inuusuttunut sullivinnik pilersitsinissaq pillugu siunnersuutaa

Aaliangiineq:

Sag nr.	Sammisag	Bilag. nr.	010
KOM 084	MISI-p pitsanngorsarneqarnissaanut tunngatillugu siunnersuut, Paarnannguaq Mathiassen (S)	Journal nr.	

Uteqqiineq:

Perorsaanikkut ineriartornikkut, meeqqallu atungaanut siusinaartumik iliuuseqartarneq meeqqap inuunermini aallartilluarnissaanut pingaartuuvoq.

Ullumikkut MISI-mi sullinneqarnissamut utaqqisarneq siviluallaarpoq, ilaanni ukioq ataaseq sinnerlugu.

Utaqqineq siviluallaaqisoq meeqqat inuusuttullu siusissukku tapersersorneqarnissaanut akornutaavoq.

Aaqqissutissat siunnersuummik saqqummiussisoqarpoq.

Uani suliami aaliangiiffineqassooq sullissinerup pittanngorsaavigineqarnissaanut iliuusissat siunnersuut akuerineqassanersoq.

Suliap saqqummiunnera:

Massakku takutinneqarpoq MISI-mi sillissinermi utaqqisarneq suvisusartoq meeqqanut inuusuttunullu annertuumik sunniuteqartoq, siunnersorneqarnissamillu pisariaqartitsisoqaraluartoq sullissinneq pitsaasumik qulakkeerneqartanngitsoq. Susasaqartut akornanni suleqatigiinneq naammaginangitsumik ingerlasarpoq, utaqqisarnerlu angajoqqaanut, meeqqanut, atuarfinnut meeqqerivinnullu unammillernartorsiortitsilluni siusissukku tapersersuinermi pitsaassuseq annikillisarlugu. Taamaammat MISI sulisoqarnikkut nukittorsarneqarnissaa pisariaqarpoq.

Iluarsiiinissamut siunnersuut – sammisamut tunngatillugu nalilersuineq

Kommunalbestyrelsimi ilaasortaq Paarnannguaq Mathiassen (S) MISI-p nukittorsarneqarnissaa pillugu siunnersuuteqarpoq.

MISI tassaavoq kommunimi meeqqanut inuusuttunullu siusissukku tapersersuinermi pingaarutilik, kisianni Avannaata Kommuniani siunnersorneqarnissamut ikorfartorneqarneranissamullu utaqqisarneq annertuvoq, taamaamallu ajunnginnerusumik sullissinissamut sunniuteqarnerluttarluni. Imaappoq angajoqqaanut, meeqqanut, atuarfinnut meeqqerivinnullu unammillernartorsiortitsilluni aammalu kommunalbestyrelsip meeqqanut inuusuttunullu tapersersuinnissamut pisussaaffinut unammillernartorsiortitsilluni.

Ullumikkut MISI-mi sullinneqarnissaminut utaqqisut 87-pput, taakkua saniatigut suliat ingerlasut 34-pput. Taamaattumik MISI-p aaqqissuussaanerata nukittorsarneqarnissaa pisariaqarpoq, siunnersortinik amerlanerusunik atorfinitsitsisoqarnissaa pisariaqarluni, taamaalilluni aamma suleqatigiissuutigineqartartut ataqatigiissaarineq pitsanngorsarneqarnissaa, meeqqerivinni atuarfinnilu ikaarsaarnermi tapersersuinermi pitsaannerusumik aaqqissuussineq, inoqarfinnut angalasartunik siunnersortinik periarfissiinissaq pisariaqartoq nalilernerqarpoq.

Minnerunngitsumik siusissukku ataavartumillu sullissisarnerup pitsaassusaa qulakkeerneqassappat perorsaanikkut siunnersuineq, nakkutilliineq, suleqatigiinnikkut peqataasarneq, atuarfinnut meeqqerivinnullu ikaarsaarnermi tapersersuinermi angalalluni sulisarnerit nukittorsartariaqarput.

Ullumikkut aamma sullitat akornanni siunnersorneqarnissamik pisariaqartitsisoqaraluartoq sullissineq pitsaasumik ingerlakkunimaatsinneqartarpoq, susasaqartullu akornanni suleqatigiinneq naammangitsumik ingerlasarluni, taamaattoqarneralu tamanut sunniuteqarnerluttarpoq.

Ingerlariaqqinnissaq

Inassuteqaat taamatut isikkoqartillugu akuerineqarpat, MISI-mi siunnersuinermi sullissisarnermilu utaqqisarnerullu sukumiinerusumik misissuiffineqarnissaa aallartinneqassaaq, aammalu periusissiap ataatsimoortup suliarineqarnissaa ingerlateqqinneqassalluni. Tamatuma kingorna siunnersortinik (pædagogisk konsulent) pisariaqartitsineq nalilersorluarneqassaaq, suleqatigiinnissamullu aalajangersakkat erseqqinnerusut suliarineqassapput, kiisalu inoqarfinnut angalasartunik atorfinitsitsinissaq sukumiinerusumik misissorneqassallutik.

Aningaasaqarnermi kingunerisinnaasat:

Siunnersortip ataatsip ukiumut akissarsiai kr. 432.000,- missaanniipput, taamaalilluni marlunnik atorfinitsitsisoqassappat ukiumut aningaasartuuteqarneruneq kr. 864.000,- missaaniissalluni.

Aningaasat ingerlatsivimmi massakut pigineqanngillat.

Saniatigut Namminersornerullutik (VSP) meeqqanut, inuusuttunut aamma ilaqutariinnut tapersersuineramik siuarsaanermillu suliaqartartoq aamma (PPR) atuarfeqarfinni meeqquerivinnullu siunnersuineq, immikkut pisariaqartitsisunik meeqqanik suliaqartartumiit Kommuninut tapiissutaasartunik siunertamik aningaasaliisinnaaneq sukumiisumik Ingerlatsivimmiik misissorneqarnissaa innersuutigineqarpoq.

Inatsisitigut tunngavigisat aamma toqqammaavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Atuarfik pillugu Inatsisartut inatsisaat nr. 15, 3. december 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
MISI-p ataani angalasartunik marlunnik siunersortinik atorfinitsitsinissamik sukumiinerusumik misissuisoqarluni suliniuteqartoqaqaarnissaa akuerissangaa, kiisalu
Namminersorlutik oqartussat kommunimut aningaasaliissutigisartangaat VSP/PPR-mik siunertallit, MISI-mut atorluarnissaa qulakkeerniarlugu misissuisoqarnissaa akuerineqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Inassuteqaat akuerineqarpoq. Pisorta qarfiit Napparsimavik allallu susassaqartut suleqatingalugit qujaajaasoqarnissaa kissaatingineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussat:

Bilag 010-01: Kommunalbestyrelsimi ilaasortap Paarnannguaq Mathiassen-ip (S) MISI-mi pitsanngorsaasoqarnissaa pillugu siunnersuutaa

Bilag 010-02: MISI-mi sullinneqarnissamut utaqqisut allattorsimaffiat

Aaliangiineq:

Sag nr.	Sammissaq	Bilag. nr.	011
KOM 085	Atorfiup ledende skoleinspektør-ip atuutilersinneqaqqinnissaa pillugu siunnersuut, Jens NapatoK (N)	Journal nr.	

Uteqqiineq:

Upervavimmi pisortaqatigiinni atuariup pisortaatut atorfiup (Ledende skoleinspektør) atuutilerseqqinneqarnissaa, tassungalu atatillugu atorfiup akisussaaffii nutarterlugit aalajangersarneqarnissaa pillugit siunnersuummik saqqummiussisoqarpoq. Uani suliami aaliangiiffigineqassooq siunnersuummi pittanngorsangassatut saqqummiunneqartup misissorneqarnerata aallartinneqarnissaa akuerineqassanersoq.

Suliap saqqummiunnera:

Upervavimmi illoqarfimmi atuariup, nunaqarfinni atuariup arlallit kiisalu kollegie ataatsimoorussaq tunngavigalugu ingerlanneqarpoq, tamatumalu pisariaqartillugu ersarissuumik ataatsimoorussamik aqutsineq. Siusinnerusukkut ataatsimoorutut pisortatut aqutsineq atuariup suleqatigiinnerannik aammalu ineriartortitsinermik nukittorsataasimavoq. Maannakkulli aqutsineq immikkoortunut agguataarneqarmat, ataatsimoorussamik ingerlatsineq annikinnerulersimavoq, aammalu immikkoortut namminerisamik ingerlatseriaaseqalerlutik. Tamanna kingunerisarpaa ataqatigiissarineq kigaannerulersoq, ilinniartitsinikkut ineriartortitsineq unitsinneqartartoq aammalu atuariup suleqatigiinnerat oqimaannerulersoq. Inatsisit naapertorlugit pisariaqartinneqartut naammassineqanngitsoortarput, aammalu ataatsimoorutut ineriartortitsineq kigaannerulersarluni.

Iluarsiinissamut siunnersuut – sammissamut tunngatillugu nalilersuineq

Kommunalbestyrelsimi ilaasortap, Jens Napâtôk’-p siunnersuutigivaa atorfik ledende skoleinspektør-i atuutisilerseqqinneqassasoq, ilaatigut aqutsinermut ineriartortitsinermullu nukittorsataasinnaammatt. Siunnersuut sioqqullungu IMAK-i ingerlatsivimmut saaffiginninnikuvoq, atuariup aqutsisut suliaasaat, akisussaaffiit aammalu aqutsinermut tunngasut naammattumik iluamillu ersarissarneqarsimanngitsut ersarissarneqartariaqartut, ledende skoleinspektørutullu akissaasersorneqartariaqartut. Ingerlatsivimmiit sulisoqarnermut immikkoortortaqarfik suleqatingalungu suliaq ingerlanneqarpoq. Tassani Aningaasaqarnermut Sulisoqarnermullu Aqutsisoqarfik erseqqissaasiornikuvoq, atorfiup ledende skoleinspektørup pisortatigoortumik meeqqat 0-6 ukiullit meeqquveqarfiinik ulluuneranilu paaqqinnittarfiinik aamma Dagplejerinik ingerlatsinermut akisussaaffeqartartoq. Atorfiup suliaassallu nassuiarneqarnerini suliaasaqarfiit taakku atorfiup nassuiarneqarneranut piumasaqaatitut ilaatinneqanngippata taava ledende skoleinspektørut atorfinitsisoqassanngittoq atuariup pisortaanik atorfinitsisoqassalluni. Peqqinneq Sunngiffimmi immikkut atorfeqarluni suliaqartoqartarpat taava ledende skoleinspektørinik atorfinitsisinissaq siunertaqanngilaq suliaasanik taakkuninnga isumaginnittoqareermat. Ullumikkut Piorsarsimassutsimut, Atuartitaanermut Meeqquveqarnermullu ingerlatsivimmi, ingerlatsivik ataatsimut pisortaqarpoq. Ulluunerani neqeroorutitut fagchef-eqarpoq, marlunnillu perorsaanermut siunnersorteqarluni. Atuarfeqarfinnut aamma MISI-mut fagchef-eqarpoq, marlunnillu siunnersorteqarluni. Peqqinneq sunngiffillu ataqatigiissarisooqarpoq, illoqarfinnilu tamani aqutsisoqarpoq sulisoqarluni. Taamaalluni atorfik ledende skoleinspektør uterteqqinneqassappat aaqquissuusaanikkut annertooujussuarmik allannguisoqartariaqarpoq. Taamaattumik siunnersuummi saqqummiunneqartumi ajornartorsiutit unammillingassallu taakkartorneqartut pillugit, suna unammillingassanut tunngaviunersoq misissorneqarnissaa, aaqquissutissatullu siunnersuummik saqqummiussisoqarnissaa inassutigineqarpoq. Suliaasarluni Ingerlatsivimmiit Sulisoqarnermut immikkoortortaqarfik suleqatingalungu misissorneqassasoq, malitsigisaanik aaqquissutissatut siunnersuummik saqqummiussisoqassasoq ingerlatsiviup inassutigivaa.

Ingerlariaqqinnissaq

Inassuteqaat akuerineqarpat Ingerlatsivimmiit Sulisoqarnermut immikkoortortaarfik suleqatingalugu misissuinerit aallartinneqassapput.

Kingusinnerusukkut misissuinerup inernerit tunngavingalugit aaqqiissutissatut siunnersuummut saqqummiussassat suliarineqassallutik.

Aningaasaqarnermi kingunerisinnaasat:

Misissuineq missingersuutaarersuit iluini ingerlanneqassooq.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq
- Naalakkersuisut og Ilinniartitsisut Meeqqat Atuarfianneersut Kattuffiat, IMAK, i henhold til § 47, stk. 1 i landstingslov nr. 21 af 18. december 2003-imeersoq
- Atuarfik pillugu Inatsisartut inatsisaat pillugu Namminersorlutik Oqartussat nalunaarutaat nr. 19 27. april 2023-imeersoq

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:

Siunnersuummi saqqummiunneqartumi ajornartorsiutit unammillingassallu taakkartorneqartut pillugit, suna unammillingassanut tunngaviunersoq, Ingerlatsiviup Sulisoqarnermut immikkoortortaarfik suleqatingalugu misissuinissaa akuerineqassasoq, malitsigisaanillu

Aaqqiissutissatut siunnersuummik saqqummiussisoqarnissaa akuerineqassasoq

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag 011-01: Kommunalbestyrelsimi ilaasortap Jens Napatok-p (N) Upernavimmi atuarfimmi pisortatut atorfiup (ledende skoleinspektør) atuutilersinneqarnissaa pillugu siunnersuutaa

Aaliangiineq:

Sag nr.	Sammisag	Bilag. nr.	012
KOM 086	Immikkut atuartitsinermut tunngatillugu siunnersuut, Paarnannguaq Mathiassen (S)	Journal nr.	

Uteqqiineq:

Avannaata Kommuniani atuartut immikkut atuartinneqartut imaluunniit immikkut perorsaanikkut allatigut ikiorneqartut amerliartorput. Taamaattumik meeqqat inuusuttullu immikkut pisariaqartitsisut pillugit atuarfiup, sunngiffimmi neqeroorutit ikorfartuinermillu suliniutit allat akornanni ataqatigiissaarinerup qanoq pitsanngorsarneqarsinnaanera misissorneqartariaqarpoq.

Uani suliami aalajangiiffigineqassaaq qulequttamut attuumasut misissuiffigineqarnissaat akuerineqassanersoq.

Suliap saqqummiunnera:

Atuartut immikkut atuartinneqarnissamik immikkullu perorsaanikkut allatigut ikiorneqarnissamik pisariaqartitsisut amerliartornerat kommunimi aaqqissuussaanermut suleqatigiinnermullu piumasaqaatinik annertusisitsivoq. Suliniutit suliassaqaqfinnut arlalinnut attuumassuteqartarput, atuarfiullu, sunngiffimmi neqeroorutit ikorfartuinermillu suliniutit allat akornanni ataqatigiinneq amigaateqarpat, meeqqat ikiorneqarnerat naammattumik ataqatigiissaarneqanngitsoorsinnaavoq.

Taamaattumik neqeroorutit suleriaatsillu maanna atorneqartut paasiniarneqarnissaat kiisalu immikkut aaqqissuussanik sunngiffimmi klubbinilu neqeroorutiniq amigaateqartoqarnersoq misissorneqarnissaa pisariaqarpoq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsimut ilaasortap Paarnannguaq Mathiassen-ip (S) siunnersuutigaa, atuarfiup sunngiffimmi neqeroorutit ikorfartuinermillu suliniutit allat akornanni ikaarsaariarnerit nukittorsarneqarnissaat siunertaralugu ataatsimut periusissiamik suleriaatsinillu ataatsimoorussanik suliartoqassasoq. Peqatigisaanik ilaasortap immikkut ittumik sunngiffimmi neqerooruteqarnissamik pisariaqartitsineq paasiniarneqassasoq, ingerlatsiviillu, angajoqqaat suliarmullu ilisimasallit akornanni suleqatigiinneq nukittorsarneqassasoq kissaatingalugu.

Ingerlatsiviup naliliinera naapertorlugu suliassaqaqfik siullermik paasiniarneqartariaqarpoq. Paasiniaanermi ilaatigut atuartut immikkut atuartinneqarnissamik pisariaqartitsisut amerliartornerat, neqeroorutit pioreersut, suleriaatsit maanna atorneqartut kiisalu suliassaqaqfiit attuumassuteqartut akornanni suleqatigiinneq misissorneqassapput.

Aamma meeqqat inuusuttullu immikkut pisariaqartitsisut sunngiffimmi klubbinilu neqeroorutiniq sunik atuisinnaanersut, neqeroorutillu pioreersut taakkununga naammattumik inissaqartitsinersut misissorneqartariaqarpoq. Misissuineq illoqarfinnut nunaqarfinnullu tamanut tunngassaaq, kommunillu nunakkut isorartussusia najukkanilu periarfissat assigiinngitsut eqqarsaatigineqassallutik.

Paasiniaaneq tunngavigalugu ataatsimut periusissiamut suleriaatsinullu ataatsimoorussanut siunnersuusiortoqarsinnaavoq. Suleriaatsini ilaatigut akisussaaffiit, ilisimasanik avitseqatigiinneq kiisalu atuarfiup, sunngiffimmi neqeroorutit ikorfartuinermillu suliniutit allat akornanni ikaarsaariarnerit erseqqissarneqassapput. Angajoqqaat, sulisut attuumassuteqartut suliarmullu ilisimasallit sulinermt peqataatinneqartariaqarput.

Ingerlatsiviup naliliinera naapertorlugu suliniutit pitsaanerusemik ataqatigiissaarneqarnerisigut meeqqat ulluinnarni inuunerat ataqatigiinnerulersinneqarsinnaavoq, toqqissisimanerat, ilinniarnerat ineriartornerallu ikorfartorneqarsinnaallutik. Peqatigisaanik paasiniaaneq neqeroorutiniq nutaanik pisariaqartitsisoqarneranik tamatumalu aningaasatigut kingunerisaanik naliliinissamut pitsaanerusemik tunngavissiisaaq.

Ingerlariaqqinnissaq

Siunnersuut akuerineqarpat Ingerlatsivik makkuninnga paasiniaassaaq:

- Immikkut atuartitsinermut tunngasut ikorfartuinemillu suliniutit pioreersut
- Suleriaatsit suleqatigiinnerullu ilusii maanna atorneqartut
- Immikkut aqqissuussanik sunngiffimmi, SFO-mi klubbinilu neqerooruteqarnissamik pisariaqartitsineq
- Neqeroorutit akornanni ataqatigiinnerup ikaarsaariarnerillu pitsanngorsarneqarnissaannut periarfissat.

Paasiniaaneq tunngavigalugu Ingerlatsivik ataatsimut periusissiamut suliassaqrifiillu akimorlugit suleriaatsinut ataatsimoorussanut siunnersuusiussaaq. Tamatuma kingorna paasiniaanerup inerneru aalajangersimasunik inassuteqaatinik, aqqissuussinissamut siunnersuutini aningaasatigullu kingunerisinnaasaannik naliliinermik ilaqartillugit politikikkut suliarineqartussanngorlugit saqqummiunneqassapput.

Kingunerisinnaasat:

Ataatsimut periusissiaq suleriaatsillu ataatsimoorussat makkununga iluaqutaasinnaassasut naatsorsuutigineqarpoq:

- Kommuni suliassaqrifiisa akornanni pitsaanerusumik ataqatigiissaarinissamut
- Akisussaaffiit suleriaatsillu erseqqissarneqarnissaannut
- Siusinnerusukkat ataqatigiinnerusumillu suliniuteqarnissamut
- Angajoqqaanik suliamullu ilisimasalinnik suleqateqarnerup nukittorsarneqarnissaanut
- Atuarfiup, sunngiffimmi neqeroorutit ikorfartuinemillu suliniutit akornanni ataqatigiinnerup pitsanngorsarneqarnissaanut

Paasiniaasoqanngippat neqeroorutit suleriaatsillu pioreersut meeqqat pisariaqartitaannut naapertuunnersut, qanorlu allannguisoqartariaqarnersoq nalileruminaassinnaavoq.

Aningaasaqarnermi kingunerisinnaasat:

Paasiniaaneq aamma periusissiamut suleriaatsinullu siunnersuusiorneq aallaavittut Ingerlatsiviup sinaakkutaasa pioreersut iluanni ingerlanneqassaaq sulisunillu atuiffiussalluni. Sunngiffimmi neqeroorutini, ikorfartuinemut aqqissuussinernik suliniutinilluunniit allanik pilersitsinermut naleqqussaanermulluunniit aningaasartuutit aatsaat paasiniaaneq naammassippat nalilerneqarsinnaassapput. Aningaasatigut kingunerisinnaasai politikikkut suliassami kingusinnerusukkat saqqummiunneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-meersaq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. decembari 2017-meersaq
- Inuit innarluutillit tapersorsorneqarnissaannut Inatsisartut inatsisaannit Namminersorlutik Oqartussat nalunaarutaat nr. 7, 1. juuni 2022-meersaq
- Meeqqat tapersorsorneqarnissaannut Inatsisartut inatsisaat pillugu Namminersorlutik Oqartussat nalunaarutaat nr. 6, 1. juuni 2022-meersaq, meeqqamut pineqartumut tamanna attuumassuteqarpat

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Immikkut atuartitsinermut tunngasunik, ikorfartuinerimik suliniutinik pioreersunik kiisalu immikkut aaqqissuussanik sunngiffimmi, SFO-mi klubbinilu neqerooruteqarnissamik pisariaqartitsinermik paasiniaasoqarnissaa akuerineqassasoq,
Paasiniaaneq tunngavigalugu meeqqat inuusuttullu immikkut pisariaqartitsisut pillugit suliniutinut ataatsimut periusissiamut suliaasaqarfillu akimorlugit suleriaatsinut ataatsimoorussanut Ingerlatsiviup siunnersuusiornissaa akuerineqassasoq,
Angajoqqaat, sulisut attuumassuteqartut suliamullu ilisimasallit sulinerimut peqataatinneqarnissaat akuerineqassasoq, kiisalu
Suliaq aalajangersimasunik inassuteqaatinik aningaasatigullu kingunerisinnaasaannik naliliinermik ilaqartillugu politikkikkut suliarineqartussanngorlugu saqqummiuteqqinneqarnissaa akuerineqassasoq*

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalernerqassasoq

Ilanngussaq:

Bilag 012-01: Kommunalbestyrelsimi ilaasortap Paarnannguaq Mathiassen-ip (S), Immikkut
atuartitsinermut tunngatillugu siunnersuutaa

Aaliangiineq:

Sag nr.	Sammasaq	Bilag. nr.	013
KOM 087	Inuusuttut immikkut pisariaqartitsisut ingerlariaqqittarnerannut tunngatillugu siunnersuut, Paarnannguaq Mathiassen (S)	Journal nr.	

Uteqqiineq:

Inuusuttut immikkut pisariaqartitsisut ilaat meeqqat atuarfiat naammassigaangamikku ilinniakkamik aallartitsineq ajorput imaluunniit suliffeqalernerq ajorlutik. Taamaattumik inuusuttut pineqartut atugaannik paasiniaasoqarnissaa neqeroorutillu ikiorserneqarnissamut periarfissat pioreersut naammannersut misissorneqarnissaat siunnersuutigineqarpoq.

Uani suliami aalajangiiffigineqassaaq inuusuttut immikkut pisariaqartitsisut ilinniagaqarnissaannut, suliffeqarnissaannut ikiorserneqarnissaannullu periarfissanik Ingerlatsivik paasiniaallunilu naliliissanersoq.

Suliap saqqummiunnera:

Avannaata Kommuniiani meeqqat inuusuttullu immikkut pisariaqartitsisut amerliartorput. Meeqqat atuarfiat naammassigaangamikku inuusuttut pineqartut ilaat ilinniakkamik aallartitsineq ajorput imaluunniit suliffeqarnermut attuumassuteqalertaratik. Taakkua atugaannik, neqeroorutiniq pioreersunik suliniutinillu nutaanik pisariaqartitsisoqarsinnaaneranik ataatsimut takussutissaqanngilaq.

Iluarsiinissamut siunnersuut – sammisamut tunngatillugu nalilersuineq

Kommunalbestyrelsimut ilaasortap Paarnannguaq Mathiassen-ip (S) siunnersuutigaa inuusuttut immikkut pisariaqartitsisut ilinniagaqarnissaannut, suliffeqalernissaannut ikiorserneqarnissaannullu periarfissat suliniutillu suunersut paasiniarlugit naliliisoqassasoq.

Ingerlatsiviup naliliinera naapertorlugu inuusuttut 16-it 25-llu akornanni ukiullit immikkut pisariaqartitsisut, ilinniagaqanngitsut suliffeqanngitsullu siullermik paasiniarneqartariaqarput. Paasiniaanermi inuusuttut pineqartut amerlassusaat, pisariaqartitaat maannakkullu atugarisaat sapinngisamik qulaajarneqassapput. Tamatuma saniatigut misissuineri makku paasiniarneqartariaqarput:

- Inuusuttut immikkut pisariaqartitsisut eqqarsaatigalugit Majoriap Pilersitsiviullu sullinniagai, suliassaat innersuussinermullu tunngavii
- Ilinniartitaanermut, suliffeqarnermut ikiorserneqarnissamullu neqeroorutit pioreersut kiisalu taakkua inuusuttut pineqartunut naleqqussusiat
- Ilinniartitaanernik immikkut aaqqissuussanik ingerlatsinissamut periarfissat, ilaatigut Danmarkimi inuusuttut ilinniartitaanerannut immikkut aaqqissuussamut STU-mut assersuunneqarsinnaasunik neqerooruteqarnissamut periarfissat
- Atuarfeqarfiup, isumaginnittoqarfiup, Majoriap, Pilersitsiviup, peqqinnissaqarfiup, ilinniartiit inuussutissarsiortullu akornanni suleqatigiinnerup nukittorsarneqarnissaannut periarfissat

Paasiniaaneq kommunalbestyrelsimut neqeroorutit maanna pioreersut naammannersut imaluunniit suliniutiniq nutaanik pisariaqartitsisoqarnersoq naliliinissamut pitsaanerusumik tunngavissiissaaq. Peqatigisaanik suliap suliassaqarfiit attuumassuteqartut akimorlugit ingerlanneqarnissaa pingaaruteqarpoq, inuusuttut pineqartut pisariaqartitaat ilinniartitaanermut, suliffeqarnermut, isumaginninnikkut ikiorserneqarnermut peqqinnissaqarnermullu suliniutinut tunngasinnaammata.

Ingerlariaqqinnissaq

Inassuteqaat akuerineqarpat Ingerlatsivik suliaasaqarfiit attuumassuteqartut avataaneersullu suleqatigalugit paasiniaanermik ingerlatsissaaq. Neqeroorutit pioreersut, suleqatigiinnerit innersuussisarnermilu suleriaatsit pillugit nassuiaasiortoqassaaq, kiisalu immikkut aaqqissuussanik ingerlatsinissamut periarfissat nalilerneqassallutik. Tamatuma kingorna inernerit aalajangersimasunik inassuteqaatinik kiisalu aaqqissuussinermut aningaasatigullu kingunerisinnaasaannik nassuiaammik ilaqartillugit politikkikkut suliarineqartussanngorlugit saqqummiunneqassapput.

Kingunerisinnaasat:

Paasiniaanermi inuusuttut pineqartut atugaannik ataatsimut takussutissiisoqarsinnaavoq, suliniutinullu ataqatigiinnerusunut tunngavissiisoqarluni. Piffissaq ungasinnerusoq eqqarsaatigalugu tamanna inuusuttut immikkut pisariaqartitsisut amerlanerusut ilinniagaqarnissaannut, suliffeqalernissaannut, nammineersinnaanerulernissaannut inuiaqatigiinnilu peqataanissaannut periarfissaqalersinnaanerannut iluaqutaasinnaavoq.

Suliaasaqarfik sukumiinerusumik misissorneqanngippat inuusuttut pineqartut pisariaqartitaannut naleqquttumik neqeroorfigineqanngitsoornissaat, meeqqallu atuarfiannit inersimasutut inuunermut ilaarsaariarnerat erseqqissumik aaqqissuussaanngitsoornissaa aarlerinaateqarpoq.

Aningaasaqarnermi kingunerisinnaasat:

Paasiniaaneq aallarnisaataasumillu naliliineq Ingerlatsiviup missingersuutaani sinaakkutit pioreersut iluanni ingerlanneqassapput. Neqeroorutitut suliniutinulluunniit nutaanut aningaasartutit politikkikkut suliasami kingusinnerusukkat saqqummiunneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Meeqqat atuarfianni immikkut atuartsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. decembari 2017-imeersoq
- Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. novembari 2013-imeersoq
- Inuit innarluutillit tapersersorneqarnissaannut Inatsisartut inatsisaannit Namminersorlutik Oqartussat nalunaarutaat nr. 7, 1. juuni 2022-meersoq

Suliamik isumaginninneq:

Piorsarsimassutsimut, Atuartitaanermut, Meeqquqarveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Ingerlatsiviup inuusuttut 16-it 25-llu akornanni ukiullit immikkut pisariaqartitsisut, ilinniagaqanngitsut suliffeqanngitsullu ilinniagaqarnissaannut, suliffeqalernissaannut ikiorserneqarnissaannullu periarfissanik paasiniaanissaa naliliinissaalu akuerineqassasoq,
Tamatumalu kingornatigut suliniuteqarnissap ingerlateqqinnissaanut inassuteqaatinik ilaqartillugit inernerisa saqqummiunneqarnissaat akuerineqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:
Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag 013-01: Kommunalbestyrelsimi ilaasortap Paarnannguaq Mathiasen-ip (S), Inuusuttut immikkut pisariaqartitsisut ingerlariaqqittarnerannut tunngatillugu siunnersuutaa

Aaliangiineq:

Sag nr.	Sammissaq	Bilag. nr.	014
KOM 088	Ilulissani atuareernerup kingorna ornittakkat nuunneqarnissaannut siunnersuut	Journal nr.	

Uteqqiineq:

Politikkikkut kissaatigineqarpoq illoqarfimmi atuareernerup kingorna paarsisarfimmi atuartunut neqeroorutip atuarfinnut nuunneqarsinnaanera misissorneqassasoq. Atuarnerup sunngiffiullu akornanni ataqatigiinnerup pitsaanerulersinnissaa, sulisut kommunillu illuutaasa naleqqunnerusumik atorneqarnissaat siunertaavoq. Uani suliami aalajangiiffigineqassaaq Ingerlatsivik nuussinissamut periarfissanik paasiniaassanersoq atuareernerullu kingorna paarsisarfimmi neqeroorutip nuunneqarnissaanut aalajangersimasumik siunnersuusiussanersoq.

Suliap saqqummiunnera:

Atuareernerup kingorna paarsisarneq ullumikkut illuni immikkut ittuni ingerlanneqarpoq. Meeqqat atuarfiimmiinneranni sulisut piffissami tassani sulisinneqarsinnaanerat taamaalilluni killeqarpoq. Peqatigisaanik kommunip suliassaanut allanut sunngiffimmilu sammisassaqaqtitsinermut ininik kommuni pisariaqaqtitsivoq. Taamaattumik atuareernerup kingorna paarsisarneq atuarfinni ingerlanneqarsinnaappat iluaqutaassanersoq misissorneqaqtariaqarpoq.

Iluarsiinissamut siunnersuut – sammisamut tunngatillugu nalilersuineq

Atuareernerup kingorna paarsisarnerup atuarfinnut marlunnut nuunneqarnissaa politikkikkut kissaatigineqarpoq. Atuartitsineq atuareernerullu kingorna paarsisarneq sumiiffimmi ataatsimi ingerlanneqassappata, meeqqat ulluinnarni atugaasa ataqatigiinnerulernissaat anguneqarsinnaavoq. Peqatigisaanik atuarfiup atuareernerullu kingorna paarsisarfiup akornanni angallassineq annikillisinneqarsinnaavoq, atuarfinnilu atuareernerullu kingorna paarsisarfimmi sulisut suleqatigiinnerat nukittorsarneqarsinnaalluni.

Atuareernerup kingorna paarsisarfimmi sulisut atuarfinni sulisarfeqalissappata, piffissaq suliffiat eqaannerusumik atorneqarsinnaassaaq. Assersuutigalugu sulisut atuartitsinerup nalaani sammisassaqaqtitsinerni, anitsiartarfinni kiisalu suliassani ulluinnarni ingerlanneqartuni perorsaanermulluunniit tunngasuni ikuiussinnaapput. Suliassat suunissaat sulisut piginnaasaannut, atorfinitsitaanerminni atugassarisaannut atuarfiillu pisariaqaqtitaannut naleqqussarneqassaaq. Nuussisoqassappat illuutit ullumikkut atuareernerup kingorna paarsisarfittut atorneqartut atorneqartarunnaassapput. Tamatuma kingorna illuutit kommunip siunertaanut allanut, ilaatigut sunngiffimmi sammisassaqaqtitsinermut peqatigiiffiillu sammisassaqaqtitsinerannut atorneqarsinnaanersut nalilerneqarsinnaapput. Illuutit siunissami qanoq atorneqarnissaat pisariaqaqtitat, illuutit qanoq issusaat aningaasartuutillu pisinnaasut qulaajarneqareerpata immikkut suliarineqassaaq.

Kommunip Frankrigimut tikeraarnerani atuarfiup atuareernerullu kingorna paarsisarfiup illu ataaseq atortaraat takuneqarpoq. Misilittakkap takutippaa neqeroorutit ataatsimoortinneqarsinnaasut, aaqqiissutissarli najukkami pissutinut pisariaqaqtitanullu naleqqussarneqaqtariaqartoq.

Inaarutaasumik aalajangiisoqannginnerani atuarfiit naammattunik naleqquttunillu inissaqarnersut misissorneqaqtariaqarpoq. Paasiniaanermi aamma aqqissuussineq, aqutsisut akisussaaffii, sulisut atugaat, aningaasat, isumannaallisaaneq, silamiittarfiit meeqqanullu kingunerisinnaasai qulaajarneqassapput. Atuarfiit aqutsisui, sulisut, angajoqqaat siulersuisui atuarfiillu siulersuisui attuumassuteqartut sulinermut peqataatinneqaqtariaqarput.

Ingerlariaqqinnissaq

Siunnersuut akuerineqarpat Ingerlatsiviup atuarfiit initaat atuareernerullu kingorna paarsisarnermik atuarfinni inissiinnissamut periarfissat paasiniassavai. Peqatigisaanik sulisut, perorsaanikkut, suliasat piviusunnngortinneranni aningaasatigullu kingunerisinnaasai Ingerlatsiviup misissussavai. Paasiniaaneq tunngavigalugu aalajangersimasumik siunnersuusiortoqassaaq, nuussinissaq pillugu inaarutaasumik aalajangiisoqannginnerani politikikkut suliarineqartussanngorlugu saqqummiunneqartussamik.

Aningaasaqarnermi kingunerisinnaasat:

Paasiniaaneq aallaavittut Ingerlatsiviup sinaakkutaasa pioreersut iluanni ingerlanneqassaaq. Kingusinnerusukkut nuussisoqassappat aqqissuussinnermut, pequtinit illullu allannngortiterneqarsinnaaneranut aningaasartuuteqartoqarsinnaavoq. Peqatigisaanik sulisut kommunillu illuutai pitsaannerusumik atorneqarsinnaalersinnaapput. Aningaasatigut kingunerisassat ataatsimut isigalugit suliasami kingusinnerusukkut saqqummiunneqassapput.

Inatsisitigut tunngavigisat aamma toqqammavissiisutut allagaatit:

- Atuarfik pillugu Inatsisartut inatsisaat nr. 15, 3. decembari 2012-imeersaq
- Kommunit aquneqarnerat pillugu Inatsisartut inatsisaat nr. 29, 17. novembari 2017-imeersaq
- Sullivimmi avatangiisinut, ikuallattoornissamut isumannaallisaanermut illuutillu atorneqarnissaannut malittarisassat allat attuumassuteqartut paasiniaanermi qulaajarneqassapput

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Ilulissani atuareernerup kingorna paarsisarnerup atuarfinnut nuussinissaannut periarfissat paasinianeqarnissaat akuerineqassasoq, suliallu tamatuma kingorna aalajangersimasumik siunnersuummik kingunerisinnaasaanillu naliliinermik ilaqartillugu politikikkut suliarineqartussanngorlugu saqqummiunneqarnissaa akuerineqassasoq*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:
Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalernerqassasoq

Ilanngussaq:

Soqanngilaq.

Aaliangiineq:

Sag nr.	Sammissaq	Bilag. nr.	015
KOM 089	Ilulissani atuarfiit avinneqarnissaannut siunnersuut	Journal nr.	

Uteqqiineq:

Illoqarfimmi atuarfiit marluk atuartut nukarliit atuarfiup aappaani angajulliillu aappaani atuartinneqalersillugit aaqqissuuteqqinneqarsinnaanerit paasiniaarneqassasoq kissaatigineqarpoq. Taamatut immikkoortiterineq fagitigut avatangiisinik nukittorsaataasinnaanersoq atuartullu atuarnannut pitsaanerusunik atugassaqaqtitsilersinnaanersoq paasiniaarneqassaaq.

Uani suliami aalajangiiffigineqassaaq Ingerlatsivik atuarfiit klassit malillugit immikkoortiterneqarnissaannut periarfissanik tamatumalu kingunerisinnaasaanik paasiniaassanersoq.

Suliap saqqummiunnera:

Illoqarfimmi atuartut ullumikkut atuarfinnut marlunnut agguataarsimapput, atuarfiillu tamarmik klassini arlalinni atuartunik atuortoqlutik. Atuartut klassii malillugit atuarfiit immikkoortinneqassappata tamanna allannguinerujussuusussaavoq, atuartunut, angajoqqaanut, sulisunut atuarfiillu ulluinnarni ingerlanneqarnerannut sunniuteqarsinnaalluni. Taamaattumik atuarfiit siunissami qanoq aaqqissuunneqarnissaat pillugu aalajangiisoqannginnerani aalajangiinissamut tunngavissaq tamakkiisoq suliarineqartariaqarpoq.

Iluarsiiinissamut siunnersuut – sammisamut tunngatillugu nalilersuineq

Atuartut nukarliit atuarfiup aappaani angajulliillu atuarfiup aappaani atuartinneqarnissaat pillugu aaqqissuussinissamik misissuisoqarnissaa kissaatigineqarpoq. Klassit qanoq agguataarneqarnissaat suli aalajangersarneqanngilaq paasiniaanermullu ilaatinneqassalluni.

Taamatut immikkoortiterinikkut atuarfiit atuartsinermi avatangiisaat, faglokaliin sammisassaqaqtitsinerallu atuartut ukiuinut naleqqunnerusumik aaqqissuunneqarsinnaapput. Aamma ilinniartitsisut klassini assingusuni atuartsisut suleqatigiinnerat nukittorsarneqarsinnaavoq atuartullu fagitigut inuttullu ineriartornissaannut atugassarititaasut ataqatigiinnerulersinneqarlutik.

Taamatut aaqqissuussinermi atuartut klassimi aalajangersimasumi aturfimmut allamut nuuttartussaassapput. Tamanna klassit nukarliit angajulliillu akornanni erseqqissumik ikaarsaariarfiusinnaavoq, atuartulli ilaannut allannguinerujussuusinnaalluni. Taamaattumik toqqissisimanartumik ikaarsaariartitsinissaq, atuartut immikkut pisariaqaqtitsisut ilaqtariillu ataatsit meerartaasa aturfinni assigiinngitsuni atuartersinnaanerit immikkut eqqumaffigineqartariaqarput.

Immikkoortiterineq atuarfiit inissaqaqtitsisinnaassusiannut, faglokaliinut, aqutsinerannut, sulisut agguataarneqarnerannut, klassinik pilersitsinermut, aturfimmut aqqusinernut angallassinermullu aamma sunniuteqarsinnaavoq. Taamatut aaqqissuussinernup MAKO-mut, atuareernerup kingorna paarsisarnernut neqeroorutillu assigiinngitsut akornanni ikaarsaariarnernut qanoq ataqatigiinnera aamma misissorneqartariaqarpoq.

Kommunip Frankrigimut tikeraarnerni atuarfiit aaqqissuussaannernut assersuut takuneqarpoq, tassani atuartut nukarliit angajulliillu aturfinni assigiinngitsuni atuartinneqarlutik. Misilittagaq isumassarsiorfittut atorneqarsinnaavoq, aaqqiissutissalli illoqarfiup nammeneq atugassarititaanut, illuutaanut pisariaqaqtitaanullu naleqqussarneqartariaqarpoq.

Ingerlatsivip naliliinera naapertorlugu immikkoortiterisoqassanersoq aalajangiisoqannginnerani sukumiisumik paasiniaasoqartariaqarpoq. Aturfii aqutsisui, sulisut, atuarfiit siulersuisui, angajoqqaat attuumassuteqartullu allat peqataatinneqartariaqarput, periarfissat unammilligassallu qulaajarneqarsinnaaqqullugit.

Ingerlariaqqinnissaq

Misissuineq akuerineqarpat Ingerlatsiviup atuarfinni atuartut amerlassusaat, inissaqartitsisinnaassusiat, init, ilinniartitaanikkut avatangiisit sulisullu atugarisaat paasiniassavai. Klassit agguataarneqarsinnaanerannut siunnersuusiortoqassaaq, perorsaanikkut, ingerlatsinikkut, sulisunut aningaasatigullu kingunerisinnaasai nalilernerqassallutik.

Tamatuma kingorna inernerit politikikkut suliarineqartussanngorlugit saqqummiunneqassapput, atuarfeqarnerup aqqissuussaananeraniq allannguisoqarsinnaananeraniq aalajangiisoqannginnerani.

Aningaasaqarnermi kingunerisinnaasat:

Paasiniaaneq aallaavittut Ingerlatsiviup sinaakkutaasa pioreersut iluanni ingerlanneqassaaq. Kingusinnerusukkuq immikkooortiterineq aqqissuussinnermut, nuunnermut, angallassinermut, faglokalinut illullu allanngortiterneqarsinnaananeraniq aningaasartuuteqarfiusinnaavoq. Aningaasatigut kingunerissat ataatsimut isigalugit suliasami kingusinnerusukkuq saqqummiunneqassapput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Atuarfik pillugu Inatsisartut inatsisaat nr. 15, 3. decembari 2012-imeersoq

Suliamik isumaginninneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqqeriveqarnermullu Ingerlatsiviup Piorsarsimassutsimut, Atuartitaanermut, Meeqqeriveqarnermullu Ataatsimiititaliamut inassutingaa:
Ilulissani atuarfiit marluk, atuartut nukarliit atuarfiup aappaani, angajulliillu atuarfiup aappaani atuartinneqalersillugit aqqissuunnissaannut periarfissat, tamatumalu kingunerisinnaasaasa paasinierneqarnissaat akuerineqassasoq, suliallu tamatuma kingorna
Politikkikkut suliarineqartussanngorlugi saqqummiunneqarnissaa akuerineqassasoq*

Aaliangiineq:

Akuerineqarpoq. Illuatungiliuttut akuerseqataanngillat, pisortat qaninnerit isumasiorneqarnikuunngittulluunniit akuerserusunngillat. Lena Ravn Davidsen (D) aamma Karl Frederik Sandgreen (D).

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Siumut naleqqamiillu inassuteqaat akuerivaat, illuatungiliuttut inassuteqaat itingartippaat.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangernera ilalerneqassasoq

Ilanngussaq:

Soqanngilaq.

Aaliangiineq:

Sag nr.	Sammasaq	Bilag. nr.	016
KOM 090	KRK Inua-mut suleqatigiinnissamut isumaqatigiissut	Journal nr.	

Uteqqiineq:

Ataatsimiititaliap siulittaasuata kissaatigaa Avannaata Kommunia inuusuttunut 15-it 35-llu akornanni ukiulinnut neqeroorutit pillugit KRK-INUA-mik suleqatigiinnissamik isumaqatigiissusiorfigineqassasoq. Isumaqatigiissummi Tarnikkut Ikiueqqarneq (Psykisk Førstehjælp), Life Skills aamma Sprint pillugit ingerlatsinerit ilaatinneqarput, taakkualu inuusuttut tarnikkut toqqissisimanerannik, iliuuseqarsinnaassusiannik peqatigiinnerannillu nukittorsaaniisaat siunertaavoq. Uani suliami aalajangiiffineqassaaq suleqatigiinnissamik isumaqatigiissut akuerineqassanersoq.

Suliap saqqummiunnera:

Inuusuttut tarnikkut atugarliornermik isumaginissinnaanerannik, ataatsimoorneri peqataanissaannut najukkamilu sammisassanik iliuuseqarnermikkut aallartitsinnaanissaannik pitsaaliuinnermik neqeroorfigineqarnissaat pisariaqartinneqarpoq. KRK-INUA-p Avannaata Kommuniani nammineq kajumissutsimik suliniuteqarnissamut sinaakkutissanik aalajangersaasumik suleqatigiinnissamik isumaqatigiissutissatut missingiut suliarisimavaa. Suliniut kommunip neqeroorutaanut pioreersunut ilassutaassaaq, kommunilli suliamut tunngasunik akisussaaffinik imaluunniit oqartussaasutut akisussaaffinik taarsiissanngilaq.

Iluarsiinissamut siunnersuut – sammisamut tunngatillugu nalilersuineq

Avannaata Kommuniata KRK-INUA-mik suleqateqarnissamik isumaqatigiissuteqarnissaa siunnersuutigineqarpoq. Isumaqatigiissut najukkami pisariaqartitsineq naapertorlugu ingerlatsinermik ataatsimik imaluunniit arlalinnik aqqissuussinissamut periarfissiivoq:

- Tarnikkut Ikiueqqarneq (Psykisk Førstehjælp-imi) inuusuttut inuit tarnikkut ajornartorsiortut imaluunniit atugarliortut ikiornissaannut sakkussanik tunineqassapput.
- Life Skills-imi misigissutsit, inuttut attaveqarsinnaaneq, tarnikkut toqqissisimaneq ataatsimoornerillu toqqissisimanartut sammisarineqassapput.
- Sprint-imik ingerlatsinermi inuusuttut najukkami inuttut atukkatigut unammilligassaq suussusersissavaat, sammisassanillu suliniutinilluunniit aalajangersimasunik ineriartortitsillutik.

KRK-INUA ingerlatsinernik aqutsisussanik pissarsillunilu ilinniartitsissaaq, ingerlatsinerit naammassissallugit, siunnersuinnermik malitseqartitsissalluni meeqqanillu pinerliisimannnginnermut uppersaatinik piniassalluni.

Kommunip neqeroorutit ilisimatitsissutigissavai, inuusuttut innersuutissallugit, ininik attaveqaataasussamillu atugassiissalluni kiisalu erseqqinnerusumik isumaqatigiissuteqarnikkut suliaat piviunngortinnissaannut tunngasunik ikiutissalluni.

Suleqatigiinneq pitsaaliuinnermik suliniutinik nukittorsaataasinnaasoq, inuusuttullu atorsinnaasaminnik sakkusaqalernissaannut peqataalluarnissaannullu periarfissiisinnnaasoq nalilernerqarpoq. Peqatigisaanik isumaqatigiissut erseqqissarneqartariaqarpoq, kommunip aningaasaleeqataanera, najugaqartitsinermut aningaasartuutit aningaasartuutillu allat aatsaat aningaasaqarnikkut sinaakkutit sioqqutsisumik akuerineqarsimasut iluanni isumaqatigiissutigineqarsinnaanerit erseqqissumik allassimassalluni. Aamma kommunip akisussaaffii, nalunaaruteqarnissamut pisussaaffik, inunnut paasissutissanik suliarinnittarneq kiisalu upalungaarsimanermi iliuusissat innersuussisarnermilu aqutit attuumassuteqartut nammineq kajumissutsiminnik suleqataasunut erseqqissuunissaat qulakkeerneqartariaqarpoq.

Ingerlariaqqinnissaq

Inassuteqaat akuerineqarpat Ingerlatsiviup KRK-INUA oqaloqatigalugu isumaqatigiissut naammassissavaa, ilaatigut aningaasanut tunngasut, attaveqaataasussat, suliaasat piviusunngortinnissaannut akisussaaffiit malitseqartitsinerlu erseqqissarneqassallutik. Isumaqatigiissutissatut missingiut naapertorlugu isumaqatigiissut 1. novembari 2027 tikillugu atuutissaaq sivitsorneqarsinnaallunilu. Sivitsorneqassanersoq imaluunniit siunissami qanoq aningaasalersorneqassanersoq aalajangiisoqannginnerani ingerlatsinerit naammassineqarsimasut, peqataasut amerlassusaat, misilittakkat aningaasaqarnerlu pillugit killiffik naliliiffiqineqartariaqarpoq.

Aningaasaqarnermi kingunerisinnaasat:

Missingiummi allassimavoq KRK-INUA-ta aallaavittut pikkorissarnernut atatillugu aningaasartuutit, ilaatigut angalanermut, unnuisarnermut, nerisaqartitsinerlut aamma sulinngitsoornermi isertitassaraluanut taarsiissuteqarsinnaanermut aningaasartuutit, matussusertassagai. Isumaqatigiissuteqarnikkut kommuni ininik atugassiinnaavoq, suliaasat piviusunngortinnissaannut ikiuussinnaavoq aamma pisariaqartillugu najugaqartitsinnaalluni. Isumaqatigiissut nammineerluni missingersuutitut ilanngunneqarsimanngitsunik aningaasartuuteqartitsissanngilaq. Taamaattumik kommunip aningaasaleeqataasinnaanera immikkut isumaqatigiissutigineqassaaq aningaasaliissutigineqartullu iluanniitineqassalluni.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqquveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqquveqarnermullu Ataatsimiititaliami aaliangiineq:

*Piorsarsimassutsimut, Atuartitaanermut Meeqquveqarnermullu Ingerlatsiviup Piorsarsimassutsimut, Atuartitaanermut, Meeqquveqarnermullu Ataatsimiititaliamut inassutingaa:
Avannaata Kommuniata KRK-INUA-llu suleqatigiinnissamik isumaqatigiissutaat tunngaviatigut akuerineqassasooq,
Ingerlatsivik isumaqatigiissutit nassuiarneqartutut erseqqissarneqarnissaa ilanngullugu naammassineqarnissaanut piginnaatinneqassasooq, kiisalu
Kommunip aningaasartuutigisinnasai aningaasaliissutit atuuttut iluanni akilerneqassasut immikkullu isumaqatigiissutigineqassasut*

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqquveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqquveqarnermullu Ataatsimiititaliami aaliangerneq ilalerneqassasooq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalerneqassasoq

Ilanngussaq:

Bilag 016-01: KRK Inua aamma Avannaata Kommuniata suleqatigiinnissamut
isumaqatigiissutissaattut siunnersuut

Aaliangiineq:

Sag nr.	Sammasaq	Bilag. nr.	017
KOM 091	Suleriutisnik ersarissaasoqarnissaanut siunnersuut, Paarnannguaq Mathiasen (S)	Journal nr.	

Uteqqiineq:

Ilaqtariinnut Ingerlatsiviup Piorsarsimassutsimullu, Atuarfeqarnermut Meeqquveqarnermullu Ingerlatsiviup suleqatigiinnerat suliasallu qanoq agguataarsimanerat erseqqissarneqartariaqarput. Kommunip meeqqanut inuusuttunullu neqeroorutaasa ataqatigiinnerulernissaat, innuttaasullu sulisullu periarfissat suunersut ingerlatsiviullu sorliup akisussaaffigineraannik paasinninnerulernissaat siunertaavoq. Uani suliami aalajangiiffigineqassaaq ingerlatsiviit takorluugartik, suliasartik, naleqartitartik, neqeroorutitik, suleriaatsitik suleqatigiinnerminnilu attavitsik pillugit ataatsimoorlutik nassuiaasiornissaat.

Suliap saqqummiunna:

Meeqqat inuusuttullu kommunip immikkoortuinit arlalinnit ikiorserneqarnissamik neqeroorutinillu pisariaqartitsisinaapput. Innuttaasullu sulisullu neqeroorutit suunersut, kikkut atorsinnaaneraat ingerlatsiviullu qanoq suleqatigiinnerat erseqqissumik ilisimanngissinnaavaat.

Erseqqissumik paasissutissaqannginnera pissutigalugu meeqqat inuusuttullu periarfissanik attuumassuteqartunik ilisimasaqanngitsoorsinnaapput, akisussaaffillu malitseqartitsinerlu kimit isumagineqarnersut paatsuungassutigineqarsinnaallutik. Taamaattumik ingerlatsiviit marluk akornanni neqeroorutit suleriaatsillu ataatsimut takussutissiorneqarnissaat suleriaatsillu erseqqissarneqarnissaat pisariaqarpoq.

Iluarsiinissamut siunnersuut – sammasamut tunngatillugu nalilersuineq

Kommunalbestyrelsimut ilaasortap Paarnannguaq Mathiasen-ip (S) siunnersuutigaa kommunip sullissinerata suliasaqarfiillu akimorlugit suleqatigiinnerup pitsanngorsarneqarnissaa siunertaralugu Ilaqtariinnut Ingerlatsiviup aamma Piorsarsimassutsimut, Atuartitaanermut Meeqquveqarnermullu Ingerlatsiviup suleriaatsitik erseqqissassagaat.

Siunnersuutigineqarpoq ingerlatsiviit marluk ataatsimoorussamik tunngavissamik ilaatigut makkuninnga nassuiaasumik suliaqassasut:

- Ingerlatsiviit takorluugaat, suliasaat naleqartitaallu
- Meeqqanut inuusuttunullu neqeroorutit pioreersut
- Kikkut neqeroorutitut pineqartunut ilaasuunersut qanorlu atuisinnaanersut
- Ingerlatsiviit akornanni akisussaaffiit suliasallu qanoq agguataarsimanersut
- Suliut suliasaqarfiit akimorlugit ingerlanneqartut suliarineqarneranni suleriaatsit
- Atuarfiup, sunngiffimmi neqeroorutit, isumaginninnikkut neqeroorutit, ilinniartitaanerup suliffeqarnerullu akornanni ikaarsaariarnerit
- Sulisut pioreersut suliasaqarfiit akimorlugit pitsaanerusumik atornerneqarnissaannut periarfissat

Suliniunni meeqqat inuusuttullu timersornerni, atuareernerup kingorna paarsisarfimmi imaluunniit sunngiffimmi aqqissuussaasumik neqeroorutini allani peqataanngitsut periarfissaat immikkut erseqqissarneqartariaqarput. Meeqqat inuusuttullu pineqartut ataatsimoorfiit sammissassallu allat atorsinnaaneraat, kiisalu neqeroorutit pioreersut eqimattanut aalajangersimasunut apuutinnginnerut misissorneqartariaqarpoq.

Aamma inuusuttut 16-it 25-llu akornanni ukiullit meeqqat atuarfiat naammassereeragamikku ilinniagaqarnermut imaluunniit suliffeqarnermut ingerlaqqinnngitsut neqeroorfigineqarsinnaanerannik ataatsimut takussutissiortoqartariaqarpoq. Takussutissami ilaatigut kommunip neqeroorutai neqeroorutillu allat suunersut, FA-p sunik neqerooruteqarnera, kikkut qinnuteqarsinnaanersut imaluunniit innersuunneqarsinnaanersut kiisalu inuusuttut immikkut pisariaqartitsisut periarfissaat suunersut nassuiarneqarsinnaapput.

Neqeroorutit, akisussaaffiit suleriaatsillu erseqqissumik nassuiarneqarpata innuttaasut ikiorneqarnissamik pisariaqartitaminnut naleqquttumik ajornannginnerusumik nassaarsinnaassapput. Peqatigisaanik sulisut suliniutinik ataqatigiissarinissamut, neqeroorutitut attuumassuteqartunut innersuussinissamut kiisalu meeqqat inuusuttullu ataatsimoornerit, ilinniartitaanermit imaluunniit suliffeqarfinnit avataaniilernissamut aarlerinartorsiortut malinnaaviginissaannut pitsaannerusumik tunngavissaqalissapput. Suliaq aamma neqeroorutit maanna pioreersut imminnut qaleriissinnaanerannik amigaateqarnerannilluunniit ersersitsisinnaavoq. Taamaaliornikkut atorfiit isumalluutillu pioreersut naleqquttumik atorneqarnersut, suleriaatsinik allannguinnissaq imaluunniit suleqatigiinnerup ilusaanik nutaanik ineriartortitsinissaq pisariaqartinneqarnersaq naliliinissamut pitsaannerusumik tunngavissaqalissaaq.

Ingerlariaqqinnissaq

Inassuteqaat akuerineqarpat ingerlatsiviit marluk ataatsimoorlutik suleqatigiissitaliornissamut aalajangersaassapput. Suleqatigiissitap neqeroorutit pioreersut, sullinniakkat, akisussaaffeqarfiit suleriaatsillu paasiniassavai, suliamullu ilisimasallit immikkoortullu attuumassuteqartut peqataatillugit. Tamatuma kingorna inernerit ingerlatsiviit suleqatigiinnerannut ataatsimut tunngavissamut siunnersuummik ilaqartillugit politikkikkut suliarineqartussanngorlugit saqqummiunneqassapput. Siunnersuutit aningaasatigut imaluunniit aaqquissuussinermut kinguneqartussat immikkut politikkikkut suliarineqartussanngorlugit saqqummiunneqassapput.

Aningaasaqarnermi kingunerisinnaasat:

Suliarinninneq aallaavittut ingerlatsiviit allaffissornikkut sinaakkutaasa pioreersut iluanni ingerlanneqarsinnaassasoq naatsorsuutigineqarpoq. Suliaq neqeroorutitik nutaanik, aaqquissuussinerup allanngortinneqarnissaanik imaluunniit isumalluutitik ilassutaasunik pisariaqartitsisoqarneranik takutitsippat, tamanna politikkikkut suliaassami immikkut ittumi saqqummiunneqassaaq.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Piorsarsimassutsimut, Atuartitaanermut, Meeqquiveqarnermullu Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Piorsarsimassutsimut, Atuartitaanermut, Meeqquiveqarnermullu Ataatsimiititaliami aaliangiineq:

Piorsarsimassutsimut, Atuartitaanermut Meeqquiveqarnermullu Ingerlatsiviup Piorsarsimassutsimut, Atuartitaanermut, Meeqquiveqarnermullu Ataatsimiititaliamut inassutingaa:

Ilaqutariinnut Ingerlatsiviup aamma Piorsarsimassutsimut, Atuartitaanermut Meeqquiveqarnermullu Ingerlatsiviup takorluukkat, suliaasat, naleqartitat, neqeroorutit, akisussaaffiit agguataarnerat suleriaatsillu erseqqissarneqarnissaat siunertaralugu ataatsimoorussamik tunngavissiamik suliaqarnissaat akuerineqassasoq,

Sulinermit meeqqat inuusuttullu sunngiffimmi neqeroorutit pioreersuni peqataanngitsut neqeroorfigineqarsinnaanerit periarfissaallu kiisalu inuusuttut 16-it 25-llu akornanni ukiullit ilinniagaqanngitsut suliffeqanngitsullu immikkut erseqqissarneqarnissaat akuerineqassasoq, kiisalu Inernerit politikkikkut suliarineqartussanngorlugit saqqummiunneqassasut

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Piorsarsimassutsimut, Atuartitaanermut, Meeqqeriveqarnermullu Ataatsimiititaliap Aningaasaqarnermi Ataatsimiititaliamut inassutingaa

Piorsarsimassutsimut, Atuartitaanermut, Meeqqeriveqarnermullu Ataatsimiititaliami aaliangerneq ilalerneqassasoq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangnera ilalerneqassasoq

Ilanngussaq:

Bilag 017-01: Kommunalbestyrelsimi ilaasortap Paarnannguaq Mathiassen-ip (S), suleriutsinik ersarissaasoqarnissaa pillugu siunnersuutaa

Aaliangiineq:

--

Sag nr.	Sammissaq	Bilag. nr.	018
KOM 092	Elevhjemmep illuutaanut tunngasoq	Journal nr.	

Uteqqiineq:

Ilulissaniittoq elevhjemmip illuutaata Ilaqutariinnermut Ingerlatsivik aammalu Piorsarsimassutsimut Atuartitaanermut Meeqquveqarnermullu Ingerlatsivik illup siunissami sumut atorneqarsinnaanera Ingerlatsiviit marluusut aalajangingassanngorlugu saqqummiuppaat.

Suliap saqqummiunnera:

Ilaqutariinnermut Ingerlatsiviup (meeqqanik inuusuttunullu suliaqarfiup) saqqummiuppaa illoq, ulloq unnuarlu meeqqanut paaqqinniffik angerlarsimaffiup avataanut inissinneqarsimasunut Avannaata Kommuniata nammineerluni ingerlatsinnermut ulloq unnuarlu paaqqinniffittut atorneqalernissaanut siunnersuut. Ilaqutariinnermut Ingerlatsiviup (innarluutilinnut suliaqarfiup) saqqummiuppaa illoq, innarluutilinnut najungaqtigiiffittut atorneqarsinnaaneranut siunnersuut. Piorsarsimassutsimut Atuartitaanermut Meeqquveqarnermullu Ingerlatsivik saqqummiuppaa illoq, atuartut angerlarsimaffiatut siunnersuut.

A) Ulloq unnuarlu paaqqinniffik

Kommuni-mit ingerlanneqartoq, anguniangassatut siunnerfeqassaaq meeqqanut inuusuttunullu toqqissisimanartoq, aalajaatumik meeqqanut ineriartortitsiffiusassaq.

Sivisunerusumik sivikinnerusumilluunniit meeqqat angerlarsimaffinniissinnaanngikkallartut angerlarsimaffiminni meeqqap ineriartorneranut peqqissusaannut paaqqutarineqarneranillu ulluinnarni unamminartorsiorfimminniittunut neqeroorutaassooq, makkua angerlarsimaffimmi unamminartorsitugineqarsimappata; aanngajaarniutinik atuisoqartillugu, pinngittuuisinnaajunnaarnerit, persuttaanerit, kinguaassiuutitigut qaangiiffiginnittoqarsimatillugu, meeqqap ineriartorneranut peqqissusaanut paaqqutarineqarneranullu ulorianartorsiorinneqartut.

Ulloq unnuarlu Avannaata kommunianit ingerlanneqartussap qulakkiissavaa meeqqap paaqqutarineqarnissaanut pisariaqartitaanik tunniussuineq, kaammattuineq, katsorsaanerit pisariaqartitsisoqartillugu, perorsaanermut tunngasut.

Meeqqat 10-18 ukiullit. Inissat meeqqanut qulit.

Avannaata kommunia ulloq unnuarlu meeqqat angerlarsimaffiup avataanut 39-it sineriammi ulloq unnuarlu angerlarsimaffinni inissinneqarnikuupput. Meeqqat ulluinnarni qaningisatit ungaseqalugit inuupput, ilaatingullu kulturip allarluinnaq ilinniartariaqartarpaat tamannalu meeqqanut unamminartorsiorneq nutaaq aallartinneqarsinnaasarluni. Avannaata kommunia namminerisamik ulloq unnuarlu paaqqinniffimmik ingerlatsineq ingerlalerpat meeqqat ulloq unnuarlu paaqqiffinni sineriammut aallartitsisarneq millisarneqassaaq, aammalu kulturitsinnut ilisimasaqarfingilluinnakkaminni suli inooriaaseqarnissartik attassinnaassallungu.

Meeqqat angerlarsimaffimminnut angerlaqqinnissaat annertuumik angajoqqaat qanillugit suliniuteqartarneq anguniarneqartassaaq, angerlartitseqqinnissamik immikkut ittumik immikkoortortaqarfeeraqarnissaq tassani pilersinneqarnissaanut periarfissat ujjartorneqassapput, taamaalillutik angajoqqaat meeqqallu imminnut attaveqatigiinnerat ataavartumik ingerlanneqarnissaa qulakkeerneqartassooq.

Angerlarsimaffiup avataanut inissinneqarsimasut ulloq unnuarlu paaqqinniffinniittut assersuutingalugit meeqqat 10-t aningaasat qaammammut akiliutigineqartarput 1.3 mio kr. Avannaata kommunia nammineq ingerlataminik Ulloq unnuarlu paaqqinniffimmik ingerlataqalissangaluaruni aningaasat annertuumik meeqqat ineriartornissaannut angerlarteqqinneqarnissaannullu pitsaasumik siunnerfilimmik atornissaat qulakkeerneqartussanngortussaassapput, eqqumaffigineqassarli kommunep nammineq ingerlataminik ulloq unnuarlu paaqqiffimmiup ingerlanissaanut aningaasartuuteqartartussaammat.

B) Ilulissani najugaqatigiiffik

Ilulissani najugaqatigiiffiit immikkoortortaqrarfiit pingasuupput.

Qulaaluanik inissaqarpoq, tamarmillu ulikkaaqqapput.

Piffissami sivittortumi najugaqarfinnut utaqqisut tallimaapput, taakkunannga marluk Aaqamit angerlariaannangortut utaqqipput. Inuit pingasut namminerisaminnik angerlarsimaffeqanngillat, ilaqtaminnilu najugaqarlutik.

Najugaqartut inigisaat naleqqussangaanngillat tulluarsagaanatillu, ineeqqanilu mikisuni ineqartiterput.

Namminerisaminnik perusuersartarfeqanngillat, ataatsimullu anartarfeqarput uffartarfeqarlutillu.

Nutaamik najugaqatigiiffiornissamat suliniut ingerlavoq, ukiulli sulisamat utaqqineqassaaq, massakkulli siumungaaq iliuuseqartoqarnissaa pisariaqartitsineq aallaavigalugu pisariaqarpoq.

Ulloq unnuarlu angerlarsimaffik ataatsimoorfiusinnaasoq piaartumik pilersinneqartariaqarpoq.

Pisariaqartitsineq annertuvoq, atuisunullu pitsaanerpaajussaaq najugaqatigiiffiup ataatsimoorumik inissinneqarnissaa atuisut eqqarsaatigalugit. Atuisut pisariaqartitaat aallaavigalugit sullinneqarsinnaapput, kingunerissavaalu arnat angutillu najugaqatigiiffimmiilersinnaanerit. Angerlarsimaffippalaartumiinneq toqqissisimanermik pilersitsissaaq. Ulloq unnuarlu sullinneqarneq allannguuteqarani angerlarsimaffilli allannguuteqartoq pitsaasumik orniginartumillu najugaqarfiulersinnaasoq.

Maannakkut sullissineq isigigaanni immikkoortortani pingasuni sulisut imminnut annertunerusumik ikorfartorsinnaanerit killeqarpoq. Najugaqatigiiffimmi nutaamik ataatsimoorussamik pilersitsinerup kingunerissavaa, sulisut imminnut ikorfartorluarnerusinnaanissaat.

3. Ilulissani atuartut angerlarsimaffiat

Ilulissani atuartut angerlarsimaffiat 21-nut inissaqarpoq. Siunissami atuartut amerlassusissaannik naatsorsuinnermi takuneqarsinnaavoq ukiumi atuarfiusumi 2034-2035 tikillugu Ilulissat eqqaani nunaqarfinnit atuartut ukiumut ataatsip qulingiluallu akornanni amerlassusillit atuartut angerlarsimaffianni inissaqarnissamik pisariaqartitsisarnissaat naatsorsuutigineqartoq. Nunaqarfinni atuartut aallaavittut aatsaat 10. klassimi atuarnerminnut atatillugu atuartut angerlarsimaffiannik atuisalertussaammata pisariaqartitsineq annikillismavoq.

Ilulissat Ummannallu eqqaanni nunaqarfinnit atuartut Ummannami ataatsimoorinneqassappata, atuartut angerlarsimaffianni inissaqarnissamik ukiumut pisariaqartitsisut katillugit qulingiluut 21-llu akornanni amerlassuseqarnissaat naatsorsuutigineqarpoq. Ummannami atuartut angerlarsimaffiat atuartunut 21-nut inissaqartitsisinnaasoq ilisimatitsissutigineqarpoq. Taamaattumik atuartut amerlassusissaat ataatsimut naatsorsuutigineqartoq aallaavittut Ummannami inissaqartinneqarsinnaavoq. Taamaattorli Ummannami atuartut angerlarsimaffiata inissaqartitsisinnaassusia qanorpiaq annertutigisoq akuersissutigineqarsimanersoq atuartullu amerlassusaasa nikerarsinnaanerit qanoq iliuuseqarfigineqarsinnaanerisooq paasiniarneqartariaqarput. Ummannami illu pisoqaavoq aserfallatsaaliorneqarnissamik iluarsaanneqarnissamillu pisariaqartitsilluni, ilaatigut kiassarneqarnera pitsanngorsarneqartariaqarluni. Illu ataatsimoorumik atuartut angerlarsimaffiattut atorneqaannassappat, iluarsaanneqarnissaanut pisariaqartitsineq aningaasartuutissatullu naatsorsuutigineqartut misissorneqartariaqarput.

Ilulissani illu tamarmi atuartut angerlarsimaffiattut atorneqaannassappat, inissat arlallit atorneqassanngillat,

Ilulissat eqqaani nunaqarfinnit atuartut amerlanerpaamik qulingiluaanissaat naatsorsuutigineqarmat.

Taamaattumik illu immikkoortinneqarsinnaavoq, ilaa atuartut angerlarsimaffiattut atorneqaannarluni sinneralu kommunip siunertaanut allamut atorneqarluni.

Ilulissats bygdeskoler									
Skoleår	2026-2027	2027-2028	2028-2029	2029-2030	2030-2031	2031-2032	2032-2033	2033-2034	2034-2035
Antal elever	7	2	4	1	9	4	8	6	2

Ummannaqs bygdeskoler									
Skoleår	2026-2027	2027-2028	2028-2029	2029-2030	2030-2031	2031-2032	2032-2033	2033-2034	2034-2035
Antal elever	4	10	8	8	9	14	13	10	10

Pissutsit tunngavigalugit ataatsimut naliliineq

Siunissami atuartut amerlassusissaannik naatsorsuinnermi Ilulissani inissat 21-t tamarmik atuartut angerlarsimaffiattut atorneqarnissaat pisariaqartinneqanngitsoq takuneqarsinnaavoq. Paasissutissat maanna pigineqartut naapertorlugit atuartut angerlarsimaffianni inissaqarnissamik pisariaqartitsisut amerlanerpaamik 21-t Ummannami inissaqartinneqarsinnaapput. Taamaattorli Ilulissani atuartut angerlarsimaffiata ilaanik atuartut angerlarsimaffiattut atuisoqaannassappat, inissanik ilassutaasunik peqartoqarsinnaavoq Ilulissat eqqaani nunaqarfinnit atuartunik tiguisinnaaneq attatiinnerneqarluni. Aalajangiisoqannginnerani makku paasiniarneqartariaqarput:

- Ummannami atuartut angerlarsimaffiata ataatsimut inissaqartitsisinnaassusia akuersissutigineqarsimasoq.
- Ummannami iluarsaanissamut pisariaqartitsineq aningaasartuutillu.
- Ilulissani atuartut angerlarsimaffiata ingerlanneqaannarnissanut aningaasartuutit.
- Ilulissani illup immikkoortinneqarsinnaanera tamatumalu aningaasartuutai.
- Atuartut ikittuinnaat najugaqartillugit atuartut angerlarsimaffiat naleqquttumik sulisusaqartinneqarlunilu ingerlanneqarsinnaanersoq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat. Nr. 50, 31. August 2021.
- Inuit innarluutillit tapersorsorneqarnissannut inatsisartut inatsisaat nr. 13, 12. Juuni 2019-meersoq kingornalu allannguuteqartoq.
- Atuariatortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. December 2021-meersoq.

Suliamik isumaginninneq:

Ilaqutareeqarnermut Ataatsimiititaliaq
Aningaasaqarnermut Ataatsimiititaliaq
Kommunabestyrelse

Ilaqutareeqarnermut Ataatsimiititaliami aaliangiineq:

*Allattoqarfiup Ilaqutareeqarnermut Ataatsimiititaliamut inassutingaa
Siunnersuutit assingiinnigitsut illup sumut atorneqarnissanut aalajangingassanngorlugu saqqummiuppaat*

Aaliangiineq:

Kommunalbestyrelsimut aalajangingassanngorlugu elevhjemmit illuutaata sumut atorneqassanersoq akuerineqarpoq. Aammalu elevhjemme Ilulissani atorfissaqartinneqaleraluarpat suliniutigineqarpallassinnaasasoq pisariaqartitsineq aallaavingalugu misissuiffigineqarluni aallartinneqassasoq Lene Ravn Davidsenimiit siunnersuutigineqarpoq.

Aningaasaqarnermi Ataatsimiititaliami aaliangerneq:

Ilaqutareeqarnermut Ataatsimiititaliap Aningaasaqarnermi Ataatsimiititaliamut inassutingaa

*Piorsarsimassutsimut, Atuartitaanermut, Meeqqriveqarnermullu Ataatsimiititaliami aaliangerneq
ilalerneqassasoq*

Aaliangiineq:
Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangenera ilalerneqassasoq

Ilanngussaq:

Soqanngilaq.

Aaliangiineq:



Sag nr.	Sammasaq	Bilag. nr.	019
KOM 093	Kommunalbestyrelsimi ilaasortap ilaqutariit paarsisartut pillugit siunnersuutaa	Journal nr.	

Uteqqiineq:

Kommunalbestyrelsesemi ilaasortap Paarnannguaq Mathiassen (S), siunnersuuteqateqarpoq angajoqqaarsianik sullissinerup nukittorsarneqarnissaanik. Siunnersuuteqartup saqqummiussaa tunngavingalugu, suleriutsit uani erseqqissarneqarput, taakkua tusaatissatut tiguneqassasut siunnersuutigineqarluni.

Suliap saqqummiunnera:

Siunnersuuteqartup Ilaqutariit paarsisartut misilittakkaminnik avitseqatigiittarnissaat, tapersersoqatigiinnissaat meeqqallu paarineqartut qisuariaateqartarnerat pillugu avitseqatigiittarnissaat siunertaralugu naapisinneqartarnissat siunnersuutigivaa.

Sulisut paarsisartullu suleqatigiinnerata nukittunerulernissaa, ineriartuutaasumillu suleqatigiinnissaaq anguniarneqassasooq siunnersuutingalugu. Ilaqutariit paarsisartut atukkaminnik imaarsarfeqarsinnaanerata aamma pisariaqartutut isingalugu.

Iluarsiinissamut siunnersuut – sammisanut tunngatillugu nalilersuineq

Kommunimi meeqqanik angerlarsimaffiup avataanut inissiisoqartillugu periarfissaavoq meeqqat inissinneqartut Ilaqutariinnut paarsisartunut, uani angajoqqaarsinik taaneqartunik inissiisinnaneq. Ilaqutariit paarsisartut kommunimit akuersissuteqarlutik meeqqamik imaluunniit meeqqanik arlalinnik tigummissaqarsinnaasartut. Meeqqamik tigummissaqarnermi ilaqutariit paarsisartut kommunimit paarsinersiutinik aningaasarsitinneqartarput.

Ilaqutariit paarsisartut inatsit tunngaviusooq malillugu paarsisartutut isumaginninnermut aqutsisoqarfiup aaqqissuussaaniq pikkorissartinneqartarput, taannalu naammassineqartussaatailluni. Ilaqutariit paarsisartut suliasamut naapertuuttumik siunnersorneqartartussaapput (supervision) kiisalu ilisimasalinnit tapersersorneqartartussaallutik (faglig støtte).

Inatsisimmi sinaakkusiunneqartut naammassineqarnissaat qulakkeerumallugu kommunimi atorfiit piupput, ilaatigut sullitat amerlassusaat apeqqutaatillugit suliaqarfiit agguataarnerisigut suliaqarfiusunik. Ilaqutariit paarsisartut inatsisitigut sinaakkusiuneqarsimasut malillugit sullinneqarnerat illuinnarni ingerlanneqarpoq, siunnersuinerit aammalu tapersersuinerit ingerlanneqartarlutik aammalu ilinniartitsinerit ilaatigut sps suleqatigalungu ingerlanneqarnerlutik. Taassuma saniatigut Isumaginninnermi aqutsisqarfik suleqatigalungu qaammatini aggersuni pikkorissaasoqarnissaa pilersaarutaalluni taannalu ukiut tamaasa ingerlanneqartarpoq. Siunnersuuteqartut kissaatigisaa, angajoqqaarsiat naapisinneqartarnerat kommunimit aaqqissuunneqartumik ingerlanneqarsinnaanera periarfissaavoq, taannalu illoqarfikkaartumik angajoqqaarsiat eqimattanngorlugit naapitittalernissaat ingerlanneqartassooq, tassanilu ilisimasalimmik ilaqutariit illuaniit peqateqartarnissaat anguneqassalluni.

Ingerlariaqqinnissaaq

Angajoqqaarsiat naapitsinneqartarnissaannut illoqarfikkuutaartumik ilaqutariit illuisa suliaralugu pilersaaruserlugulu aallartissuaat suliniutissatut, suliaassarlu naapeqatigiittarnissaannut ataqatigiissaarineq aallartinneqassooq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Ilaqutariit paarsisartut pillugit Namminersorlutik Oqartussat nalunaarutaat nr. 13 ulloq 10. oktooberi 2019-meersoq

Suliamik isumaginninneq:

Ilaqutareeqarnermut Ataatsimiititaliaq
Aningaasaqarnermut Ataatsimiititaliaq
Kommunabestyrelse

Ilaqutareeqarnermut Ataatsimiititaliami aaliangiineq:

*Allattoqarfiup Ilaqutareeqarnermut Ataatsimiititaliamut inassutingaa
Suleriutsit saqqummiunneqartut tusaatissatut tiguneqassasut*

Aaliangiineq:
Tusaatissatut tinguneqarpoq.

Aningaasaqarnermi Ataatsimiititaliami aaliangerneq:

Ilaqutareeqarnermut Ataatsimiititaliap Aningaasaqarnermi Ataatsimiititaliamut inassutingaa

Ilaqutareeqarnermut Ataatsimiititaliami aaliangerneq ilalerneqassasoq

Aaliangiineq:
Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalerneqassasoq

Ilanngussaq:

Bilag 019-01: Siunnersuut

Aaliangiineq:

Sag nr.	Sammasaq	Bilag. nr.	020
KOM 094	Avannaata Kommuniani innuuttaasut siusinaartumik pensionisialinnut tunngatillugu siunnersuut	Journal nr.	

Uteqqiineq:

Kommunalbetyrelsemi ilaasortaq Paarnannguaq Mathiasen (S) politikikkut siunnersuuteqarpoq siusinaartumik pensioneartut pillugit suleriuseq nalilersorneqaqqissasoq, uanilu siunnersuut saqqummiunneqartoq tunngavingalugu suleriutsit atuuttut tusaatissatut tiguneqaqqullugit saqqumminneqarput.

Suliap saqqummiunnera:

Siunnersuuteqartup siunnersuuteqarnermini kissaatigivaa, innuuttaasut siusinaartumik pensionisiaqartut pillugit suleriutsumik tulluurtumik pilersitsisoqarnissaa pisariaqartoq, aammalu neqeroorutiniq tulluurtumik neqeroorfigineqartalermissaat anguniarlugu suleriuseqartoqalissasoq. Siunnersuuteqartup ilanngullugu kissaatigivaa sulineri aqqissuussaaneq nalilersuiffigineqassasoq, sulisut suliaallu nalilersorlugit malinnaavigisineqassasut, innuuttaasut peqqinnartumik isumaqartumillu inooqataanissaat qulakkerniarlugu.

Iluarsiinissamut siunnersuut – sammisanut tunngatillugu nalilersuineq

Avannaata Kommuniani pisartagaqarnermut immikkoortortaq Majoriaq suleqatigalugu siusinaartumik pensionisialinnut nalilersuiffigeqqinneqartussanut aammalu qinnuteqartunut sulisinnaassutsumik qulaajaaneq ingerlaneqartarpoq, Siusinaartumik pensionisiat pillugit inatsisartut inatsisaat aallaavigalugu. Avannaata Kommuniata pisussaaffingaa siusinaartumik pensionisiaqalernissamik qinnuteqartup, qinnuteqaataata aalajangiiffinginnerani suliamut attuumassuteqartut katersorsimassangai, aammalu sulisinnaassutsumik qulaajaaneq ingerlanneqarsimassasoq, qinnuteqartup sulisinnaanermigut isumalluutai tamakkiisumik misissuiffigineqarsimasussaallutik.

Qinnuteqaatinik suliarinneq

Innuuttaasut sulisinnaassutsumikkut appasissumik inissisimalersimatillutik siusinaartumik pensionisiaqalernissamik qinnuteqarsinnaanermik periarfissaqartinneqarput. Innuuttaasut 18-inik ukioqalersimasut taamaattoqli sulisinnaassutsumikkut timikkut tarnikkuulluunniit nnarlerneqarsimasut siusinaartumik pensionisiaqalersinneqarsinnaapput. Taassuma kingunerisaanik sulisinnaassusermik nalilersuineq ingerlanneqartarpoq, suliamik tulleriissaarisarneq malillugu. Innuuttaasut siusinaartumik pensionisiat qinnuteqarsimatillugu nakorsamit oqaaseqaat siullertut piniarneqartarpoq, sulisinnaassuserlu appasissumi inissisimalersimatillugu ingerlaqqittoqartarpoq qinnuteqartoq piartuutaasumik napparsimalersimatinnangu. Nakorsap oqaaseqaataata tinguneqarnerata kingorna qinnuteqartup pisinnaasaanik oqaloqatigineqarnera aammalu sulineri misilittakkat, inuttullu killiffiit pillugit nalilersuutaasussamik immersueqatigineqarluni oqaloqatigineqartarpoq, kingornalu Majoriaq suleqatigalugu sulisinnaassusermik qulaajaanermik ingerlatsineq aallartinneqartarpoq. Innuuttaasorlu piginnaanngorsaanermik ingerlatsivigineqalersinnani sapaatip akunneranik sivilissuseqartumik Majoriamiit qulaajaanermik ilitsersuussinermillu imaqartumik sammisaqartitsinermut peqaataanneqartarpoq (Afklaringsforløb). Afklaringsforløb tassaavoq sulilernissamut piginnaanngorsaaqqinnissamik ingerlaqqinnissamut aallarniutaasoq, aammalu nalilersuutaalluni innuuttaasup sulineri attassisinnaanerata qanoq annertututiginersoq, taamaalilluni suliffeqarfiit misiliffiusussat innuttasumut tulluarnerusut ugartorneqarsinnaaqqullugit, aammalu tiimit sulineri ingerlatsinissamut aallarniutaasussat inissinneqarnissaat eqqarsaatigalugit ingerlatsisoqartarluni.

Suliffimmik misiliisitsineri sapinngisamik minnerpaamik suliffeqarfiit pingasut misiliiffiusimassasut anguniarneqartarpoq, ajornanngippallu qinnuteqartup pisinnaasai qaangernangit suliffeqarfiit sulinermik misiliiffiusussaani anguniarneqartarlutik, qaammatit pingasut iluani imaluunniit sinnerlugit tamanna ingerlanneqartarpoq, apequtaalluni suliffeqarfiit misiliiffiusut pineqartumut naleqquttut ugartorneqarsinnaasarmata.

Taamaalilluni oqaaseqaatit misissuineri pisariaqartinneqartut taamaasa katersoreernerisa kingunerisaanik (suliniaqatigiiffik aqutigalugu Timimik sungiusaasoq peqatigalugu nalilersuinerit ingerlateqqinneqartarput qinnuteqaatillu allajangiiffingineqarnissaa Ataatsimiitsitaliamullu siusinaartumik pensionisiaqalernissaa innersuunneqartillugu isummerfigisassanngorlugi ingerlateqqinneqartarpoq.

Piartuutaasumik napparsimalertoqarsimatillugu suleriuseq

Piartuutaasumik napparsimasoqalersimatillugu ajornannginnerusumik suleriaaseqartoqartarpoq.

Piartuutaasumik imaluunniit annertuumik innarluutillit innarluuteqalersimasulluunniit utaqqissunneqarsinnaanngitsumik inissinneqartussanngortut siulittaasup aalajangingassanngorlugit suliarineqartarput oqaaseqaatit ukua tunngavigalugit:

- Qinnuteqaat
- Nakorsap oqaaseqataa
- Tarnip pissusaanik ilinniarsimasut imaluunniit inissiiviup oqaaseqaataa

Pensionisiaqareersunik nalilersueqqinneq

Innuttaasut siusinaartumik pensionisiaqareersut sivisunerpaamik ukiut tallimakkaartumik inuit 60-t ataallugit ukiullit nalilersuiffingineqartartussaapput siusinaartumik pensionisiat pillugit Inatsisartut inatsisaat nr. 40, 9. december 2015 kingornalu allanngorneqartumi § 13 naapertorlugi.

Pensionisialinnik nalilersuinissaq ingerlanneqalersillugu pensionisialimmut sulisinnaassusermik qulaajaanerp aallarteqqinnginnerani paasissutissat pingaarutillit piniarneqartarput assersuutigalugu: nakorsap oqaaseqaataa, imaluunniit timimik sungiusaasup, tarnip pissusaanilluunniit ilisimasallip pineqartup killiffianik oqaaseqaataai pissarsiarineqartarput, taamaalilluni piginnaanngorsaanermut ingerlaqqittoqarsinnaaqullugu, pineqartumullu tulluurtumik suliffimmik piginnaanngorsarfiusussamut innersuunneqarsinnaaqullugu.

Suliffeqarfimmik piginnaanngorsaa neq aallartinnnginnerani qinnuteqartutuulli afklaringsforløb (Majoriami qulaajaanermik ilitersuinerimullu imaqartinneqartumut) peqataatitsisoqartarpoq, kingornalu minnerpaamik suliffeqarfimmut misiliisitsinerit ingerlanneqartarlutik. Qulaajaanermi sapinngisamik suliffeqarfiit minnerpaamik pingasut tunaartarineqartarput sulisinnaassutsip qanoq annertutiginera malillugu misiliiffiusussaallutik. Pensionisiaqareersut apequtaalluni § sorleq malillugu pensionisiaqalersimaneri nalilersuinerimut peqataatinneqartarput:

Siusinaartumik pensionisiat pillugit inatsisartut inatsisaat nr. 40, 9. december 2015-imeersoq kingornalu allanngorneqartumi § 9 imm. 2 aallaavigalugu pensionisiaqartinneqartut ukiut tamaasa nalilersorneqassapput piginnaanngorsaa neq ingerlateqqinneqassanersoq imaluunniit qulaajaaqqinneq kinguartinneqassanersoq, inummut paasissutissat pissarsiarineqartut aallaavigalugit. Assersuutigalugu peqqinnissaqarfimmit suliarineqartussanngorsimappat, passunneqarneraluunniit suli naammassineqarsimanngippat.

Siusinaartumik pensionisiat pillugit inatsisartut inatsisaat nr. 40, 9. december 2015-imeersoq kingornalu allanngorneqartumi § 9 imm. 3 aallaavigalugu pensionisiaqartinneqartoq sapinngisamik sivisunerpaamik ukiut tallimakkaarlugit nalilersuiffigeqqinneqarsinnaanersoq isummerfigineqartarpoq. Innuttaasullu suluisinnaassusermik ineriartorteqqissinnaanngitsut annertuumillu innarluuteqartut nalilersuiffigeqqinneqaratik pensionisiaqarnerat ingerlateqqinneqaannarsinnaavoq.

Qulaajaanermi unammillernartut

Sulisinnaassutsimik qulaajaanermi Avannaata Kommuniiani unammillernartuuvuq piginnaanngorsaanerup ingerlanneqarnerani suliffeqarfiit sulinermik misiliiffiusinnaasut, suliffeqarfiit arlallit piginnaanngorsangassanik tiguisinnaaneq ajormata. Suliniutilli maannamut aallaavigalugit Majoriami mentoritut (siunnersortitut) atorfeqartoq suleqatigalugu oqilisarniarneqarpoq, suliffeqarfinnullu piginnaanngorsaasarnermik qaammarsaanermik ingerlatsisoqarluni. Mentori ukiup ingerlanerani suliffeqarfinnut orniguttarpoq aammalu maannamut atungaaqqanik suliffeqarfinnut paasissutissatut atuarneqarsinnaasunik sanasoqarnerata kingorna siammarterilluni, taamatuttaarlu aamma suliffeqarfinnut oqalungiariartortinneqartarluni piginnaanngorsaaneq pillugu. Taassuma saniatigut maannamut misiliutigalugu suliffissarsiortutut nalunaarsorneqartartut qulit ulloq naallugu utoqqaat illuat suleqatigalugu utoqqaat illuannut pulaartinneqarnikuupput, utoqqarni suliffiusinnaasut assigiinngitsut oqaluttarineqarlutik, pulaartinneqarlutillu. Kingorna pulaartuni taakkunani qulini arfinillit utoqqaat illuanni sulilernerannik kinguneqarluni.

Ingerlariaqqinnissaq

Siusinaartumik pensionisialinnut qinnuteqartunut aammalu nalilersueqqinnermi sulisinnaassutsimik qulaajaaneg aammalu piginnaanngorsaasarnermi nukittorsaaneq maanna suliniutiginiarneqaleruttoq. Peqqinnissaqarfik suleqatigalugu Avannaata Kommuniata akiligaanik timimik sungiusaasoq ullup affaa Majoriamiisinneqartalernikuuvuq, nalilersuiffigeqqinneqartussat aammalu qinnuteqartut sulisinnaassusaat annertunerusumik qulaajaaffiginarlugu aammalu innuttaasumut pitsaanerusumik suliffimmik innersuusinnaaneq anguniarlugu timimik sungiusaasumit nalilersuiffigineqaaqqaartalernikuummata, taamaalilluni sulisitsisumut aammalu pineqartumut timip atorsinnaanera malillugu sulinermik misiliiffiusumi ingerlanneqarnissaa anguniarlugu.

Piginnaanngorsaasarnernu maanna aamma nukittorsarnissaa suliniuteqarfigineqarpoq, iliuusissatut pilersaarutit nalimmassarniarneqarlutik aammalu Majoriami Pilersitsivimmu FA-milu ilinniartitseqqinnissamut aqutissiuussisarneq annertusarneqarnissaa inuusunnerusunut anguniarneqarluni, tamatumani sulisut ataatsimoortillugit saqqummiisaqattaarneq aallartisarneqarluni, assersuut: Pilersitsivik sunaava aammalu qanoq atorluarneqassava? Imaluunniit FA-sunaava aamma kikkut ingerlaqqissinnaappat? Taamaalilluni innuttaasup periarfissai sulisunut, pineqartunullu qaammarsaaviginiarlugit.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Siusinaartumik pensionisiat pillugit inatsisartut inatsisaat nr. 40, 9. december 2015-imeersoq
- Piginnaanngorsaaqqinnissamut ikiorsiisarneq pillugu Inatsisartut peqqussutaat nr. 4, 31. maaju 2001-imeersoq

Suliamik isumaginninneq:

Ilaqutareeqarnermut Ataatsimiititaliaq
Aningaasaqarnermut Ataatsimiititaliaq
Kommunabestyrrelse

Ilaqutareeqarnermut Ataatsimiititaliami aaliangiineq:

*Allattoqarfiup Ilaqutareeqarnermut Ataatsimiititaliamut inassutingaa
Suleriutsit saqqummiunneqartut tusaatissatut tiguneqassasut*

Aaliangiineq:

Tusaatissatut tinguneqarpoq

Aningaasaqarnermi Ataatsimiititaliami aaliangerneq:

Ilaqutareeqarnermut Ataatsimiititaliap Aningaasaqarnermi Ataatsimiititaliamut inassutingaa

Ilaqutareeqarnermut Ataatsimiititaliami aaliangerneq ilalerneqassasoq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalerneqassasoq

Ilanngussaq:

Bilag 020-01:

Siunnersuut

Aaliangiineq:

Sag nr.	Sammasaq	Bilag. nr.	021
KOM 095	Tarnikkut ikiueqqaarnermut tunngasooq	Journal nr.	

Uteqqiineq:

Kommunalbestyrelsemi ilaasortaq Paarnannguaq Mathiasen (S), siunnersuuteqateqarpoq Avannaata kommuniani tarnikkut ikiueqqaarnermi pikkorissarsimasut qassiniunersut, aammalu pikkorissaasinnaasunik peqarnersoq. Siunnersuuteqartup saqqummiussaa tunngavingalugu, suleriutsit uani erseqqissarneqarput, taakkua tusaatissatut tiguneqassasut siunnersuutigineqarluni.

Suliap saqqummiunnera:

Siunnersuuteqartup innutaasut sakkortuumik nalaataqartut tarnikkut ikiueqqaarnermik ikiorneqapallattarnissaat siunnersuutigivaa, kingunerluutinik annikinnerpaaffianiisinneqarsinnaanerit pinngitsoortinneqarsinnaaneralluunniit nukittorsarumallugu. Taamatullu sakkortuumik nalaqarsimasut kingusinnerusuklut kingunerlutitsileraangamik qanoq sumullu saaffiginnissinnaanerannik ersarissaanissaq pisariaqartinneqarluni. Taassumalu saniatigut Kalaallit Røde korsiat suleqatigalugu tarnikkut inooqataasutullu ikiueqqaarnermi pikkorissaaneq aqqutissiuunneqassasooq.

Iluarsiiinissamut siunnersuut – sammisanut tunngatillugu nalilersuineq

Inuttaasut sakkortuumik nalaataqartillugit tarnikkut ikiueqqaarneq ingerlanneqartarpoq illoqarfinni tamarmiusuni. Illoqarfinni avannarpasinnerusuni annertuumik pisoqartillugu Ilaqutariit illuaniit Ilulissaniit orningasuaanerit ingerlanneqartarput, ilaqutariillu illuini sulisut suleqatigineqartarlutik. Annertuumik pinartoqarfillugu soorlu Politiiniit peqqinnissaqarfimmiillu ilaqutariinnermut immikkoortoqarfik attavigineqartarpoq pisoq qanoq annertutiginersooq ilaqutariillu eqqungaasut nalunaarutigineqartarlutik taamaalilluni suliasamik aallartitsineq ingerlanneqartarpoq. Ilaqutariit illuaniit ingerlanneqartumik suliffeqarfinni assigiinngitsuni aqutsisut naapisinneqarnikuupput eqqartorneqarluni tarnikkut ikiueqqaarnermut tunngatillugu sakkortuumik nalaataqartartillugu orninguttarsinnaasunik pilersitsiniarnermi suleqatigiinnissamik imaqtumik. Taannalu ingerlateqqissallugu pikkorissaanissamik inunnik soqutiginnittunik neqeroorusiornissaq tullinnguulluni. Naapeqatigiinnermi Kalaallit Rødekorsiat eqqartorneqarpoq suleqatigiserineqarnissaanik tullissaanimullu naapeqatigiinnissamut peqataatinneqassallutik. Aammalu Nuummi Rødekorsit attavigineqarnikuullutik atuakkanik pikkorissaanermi atungassanik periarfissanik ujartuiffigineqarlutik. Maannakkumut illoqarfikkuutaartunik tarnikkut ikiueqqaarnermi orningussinnaasut: Qaanaami inuit 10-lit. Upernavik inuit 13-nit. Uummannami inuit 14-nit. Ilulissani ilaqutariit illuani sulisut. Maannakkumut ilaqutariit illuaniit tarnikkut ikiueqqaarneq naammassingaangat kingunerluutitut katsorsaaneq nalinginnaasumik innersuussinikkut ilaqutariit immikkoortortaqarfianiit ilaqutariit illuanut ingerlanneqartarpoq.

Ingerlariaqqinnissaq

Ilaqutariit illuani kriseenhed maannakkumut suliniutissatut pilersaarutaa imatut isikkoqarpoq:

- Pinasuutarmik tarnikkut ikiueqqaarneq. (krisehjælp) taanna ingerlanneqartareerpoq.
- Siunnersuineq ilitersuinerlu (stabilisering)
- Ajutoornerup kingorna tarnikkut ajoqusernermi/tarnikkut ajornartorsiornermi katsorsarneqarneq. (trauma/krise behandling (terapi))

Pilersaarut isikkoqarpoq ikiueqqaarneq naammassingeqaraangat neqerooruteqartarnissaq ukuusut; siunnersuineq ilitersuinerlu, aammalu katsorsaaneq. Taannalu ilaqutariit illuata avannaata kommuniani suleriesissatut siunniutaa suliarineqarluni aallartissooq.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Meeqqanut Ilaqutariinnullu Sullissiviit, Ilaqutariit Illui aamma Qimarnguiit pillugit Namminersorlutik Oqartussat nalunaarutaat nr. 7, 26. januaari 2024-meersoq

Suliamik isumaginninneq:

Ilaqutareeqarnermut Ataatsimiititaliaq
Aningaasaqarnermut Ataatsimiititaliaq
Kommunabestyrelse

Ilaqutareeqarnermut Ataatsimiititaliami aaliangiineq:

*Allattoqarfiup Ilaqutareeqarnermut Ataatsimiititaliamut inassutingaa
Suleriutsit saqqummiunneqartut tusaatissatut tiguneqassasut*

Aaliangiineq:
Tusaatissatut tinguneqarpoq.

Aningaasaqarnermi Ataatsimiititaliami aaliangerneq:

Ilaqutareeqarnermut Ataatsimiititaliap Aningaasaqarnermi Ataatsimiititaliamut inassutingaa

Ilaqutareeqarnermut Ataatsimiititaliami aaliangerneq ilalerneqassasoq

Aaliangiineq:
Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangenera ilalerneqassasoq

Ilanngussaq:

Bilag 021-01: Siunnersuut

Aaliangiineq:

Sag nr.	Sammasaq	Bilag nr.	022
KOM 096	Ilulissani utoqqaat illuanni igaffissuaq	Journal nr.	

Uteqqiineq:

Utoqqaat illuata Ilulissaniittup allilerneqarneranut atatillugu igaffissuarmik tunniussinissamut pilersitsinissamullu neqeroorutip akuersissutigineqarnissaa qinnutigineqarpoq. Igaffissuaq pilersaarutip ingerlanneqarsinnaaneranut piumasaqaataasimagaluarpoq, kukkusoqarneratigulli sanaartornissamut isumaqatigiissummut atsiorneqarsimasumut ilanngunneqarsimanngilaq. Pilersaarutip naammassineqarnissaa qulakkeerumallugu kinguaattoornerillu annertunerusut pinngitsoortinniarlugit, neqeroorutip akuersissutigineqarnissaa kiisalu aningaasaliissutit ilassutaasa akuersissutigineqarnissaat pisariaqarpoq.

Suliamik saqqummiussineq:

Ilulissani utoqqaat illuata allilerneqarneranut atatillugu, isumaqatigiissusiornermut immikkoortumi erseqqissarneqarpoq igaffissuup pilersinneqarnissaa sanaartugassamut ilaatinneqassasoq. Tamanna siunnersortip attuumassuteqartup erseqqissumik nalunaarutigaa.

Entrepenøri neqerooruteqartoq neqeroorutini tunniuppaa, siunnersortillu sanaartortitsisullu tatiginnillutik naatsorsuutigaat igaffissuaq neqeroorummot agguataarinnermullu tunngavimmut ilaatinneqartoq.

Peqatigisaanik entrepenørip igaffissuarmut neqeroorut alla pissarsiariniarsimavaa, sipaarnissamut siunnersuut periarfissaasinnaasoq saqqummiunneqarsinnaaqqullugu. Neqeroorutip taassuma allap tiguneqarnissaa utaqqineqarpoq, qaammatillu marluk missaasa kingorna siunnersortip sanaartornissamut isumaqatigiisut atsiorneqartussanngorlugu nassiuppaa.

Isumaqatigiissummut atsiornissaq sioqqullugu piffissami sanaartortitsisup, siunnersortip entrepenørilla akornanni igaffissuarmut tunngatillugu allannguisinnaanerit pillugit ingerlaavartumik allaqatigiittoqarpoq. Isumaqatigiisut atsiorneqarnerata kingorna aatsaat paasineqarpoq igaffissuaq isumaqatigiisummut atsiorneqarsimasumut ilaatinneqanngitsoq.

Aaqqiissutissatut siunnersuut – suliamik nalilersuineq

Igaffissuup pilersinneqarnissaa pisariaqarlunnartumik piumasaqaataavoq, sanaartornerup naammassinerata kingorna utoqqaat illuat atorineqalersinnaassappat.

Kommunip igaffissuarmut neqeroorut nassiunneqartoq akuersissutiginnippagu, pilersaarutip tunniunneqarnissaa suli kinguaattoorsinnaassaaq. Maannangaaq naatsorsuutigineqartariaqarpoq igaffissuup tunniunneqarnissaanut piffissaq pilersaarutigineqartumut tunniussinissamut ullormut allannguuteqarnermik kinguneqarsinnaasoq.

Neqeroorut nassiunneqartoq naammassorinarpoq akitigullu akuerineqarsinnaasutut nalilerneqarpoq. Tamanna tunngavigalugu inassutigineqarpoq, sanaartortitsisup neqeroorut akuersissutigissagaa aningaasallu pisariaqartinneqartut akuersissutigalugit, tunniussineq piaarnerpaamik aallartinneqarsinnaaqqullugu.

Ingerlariaqqinneq

Neqeroorut akuersissutigineqareerpat, pilersuisup igaffissuup pilersinneqarnissaanut pilersaarusiorneq aallartissavaa. Tamatuma kingorna sananeqarnissaa tunniunneqarnissaalu aallartinneqassappat.

Danmarkimi suliffissuit aasaanerani sulinngiffeqarnerat tunniussinissamut piffissamut annertuumik sunniuteqassaaq, taamaattumillu tamanna pilersaarutip piffissalersorneqarneranut ataatsimut sunniuteqarsinnaasoq naatsorsuutigineqartariaqarpoq. Pilersuisup tunniussinissamut ikkussuinissamullu pilersaarut inaarutaasoq uppersarsareerpagu, pilersaarutip piffissalersorneqarnera nutarterneqassaaq.

Aningaasatigut kinguneqaatissat:

Igaffissuup tunniunneqarnissaa pilersinneqarnissaalu aningaasalersorniarlugit pilersaarutip sanaartornermut aningaasaliissutaasa killissaannut ilassutitut aningaasaliisoqarnissaa pisariaqartinneqarpoq. 2025-imi neqeroorutiginiaqartup annertussuserivaa kr. 1.436.871

Utoqqaat illuata allilernerqarnera Namminersorlutik Oqartussanit 50 %-imik tapiiffigineqarsinnaatitaavoq. Taamaattumik aningaasartuutit ilassutaasut ilaannut tapiiffigineqarsinnaatitaasumut naapertuuttumik tapiissutit ilassutissaannik Namminersorlutik Oqartussanut qinnuteqaat nassiunneqassaaq.

Inatsisitigut tunngavigisat:

- Kommunit aquunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat pillugu Namminersorlutik Oqartussat nalunaarutaat nr. 83, 4. december 2025-meersoq

Suliarineqarnera:

Teknikkimut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Teknikkimi Ataatsimiititaliami aaliangiineq:

Teknikkimut Ingerlatsiviup Teknikkimut ataatsimiititaliamut inassutigaa

- *ataatsimiititaliap pilersaarutip sanaartornermut aningaasaliissutaasa killissaanut igaffissuarmut aningaasartuutit amerlaqataannik ilassutitut aningaasaliisoqarnissaa akuersissutigissagaa, aamma*
- *ingerlatsivik Namminersorlutik Oqartussanut tapiissutit ilassutaannik, tapiissuteqartarnermut malittarisassat atuuttut naapertorlugit, qinnuteqarnissamut piginnaatinneqassasoq*

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

Teknikkimut Ataatsimiititaliap Aningaasaqarnermi Ataatsimiititaliamut inassutingaa

Teknikkimutt Ataatsimiititaliap aaliangerneq ilalernerqassasoq

Aaliangiineq:

Inassuteqaat akuerineqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalernerqassasoq

Ilanngussat:

Bilag 022-01: Neqeroorut

Bilag 022-02: Iggavissuup eqqartorneqarnerata pisimanera.

Aalajangiineq:

--

Sag nr.	Sammasaq	Bilag nr.	023
KOM 097	Kommuneplantillag nr. 68-ip inaarutaasumik suliarinera – Qaqqap eqqaani, Mathias Storchip Aqqutaa, Ilulissat	Journal nr.	

Uteqqiineq:

Avannaata Development-imut kommunimut pilersaarummut tapiliussatut siunnersuut tamanut tusarniaassutigineqarsimavoq. Ataatsimiititaliaq kommunimut pilersaarummut tapiliussap inaarutaasumik akuersissutigineqartussatut innersuunneqarsinnaanersoq pillugu isummerfigeqquneqarpoq.

Suliamik saqqummiussineq:

Kommunalbestyrelsip Økonomiudvalgi qinnuteqaataa, Avannaata Development aqqutigalugu inissianik sanaartornissamik suliniummik suliaqarnissaq pillugu, akuersissutigaa. Kommuneplanimut tapiliussatut siunnersuut suliniummut naapertuuppoq, tassami Mathias Storchip Aqqutaani qimminut immikkoortitaq, immikkoortoq 1200-D02, immikkoortoq qitiusumik atorneqartussaq 1200-C34-imut allanngortinneqartussanngorlugu.

Kommuneplanimut tapiliussaq nunaminertaq immikkoortunut mikinerusunut pingasunut agguarpaa, Avannaata Development-imut sanaartorfissanik kiisalu siunissami sanaartugassanut suli atorneqarsinnaasunik periarfissaqartitsisumik. Inissianik sanaartornermut siunertaavoq inuusuttut pingaartillugit inissianik pilersitsinissaq. Inissiat aallaqqaammut tuniniarneqarnissaat naatsorsuutigineqarpoq, kisiannili tuniniaanikkut pisiarineqanngippata attartortinneqarsinnaassapput. Kommuneplanimut tapiliussaq sapaatit akunnerini arfineq-pingasuni tamanut tusarniaassutigineqarpoq, piffissami 22.04.2026-imiit 17.06.2026-imut.

Tusarniaanermi akissutit arfineq-pingasut tiguneqarput, taakkunannga pingasut erseqqinnerusunik oqaaseqaateqarput:

- Hotelimut siunnersuut

Suliffeqarfik Minnerup Aqqutaani nunaminertaminik kiisalu qaqqamik qanitaanik hotelitut aamma takornariartitsinermik ingerlataqarfittut ineriartortitserusuppoq.

- Ikuallattoornissamut isumannaallisaaneq

Landsplan-ip ikuallattoqarnerani annaassiniarnissamut nunaminertat aamma ikuallattoornissamut isumannaallisaaneq pillugit piumasaqaatit maluginiarpai.

- Masarsuit

Innuttaasut marluk masarsuit attatiinnarneqarnissaat kissaatigaat, ilaatigut isugutsernermik aamma oquup pilersinnaaneramik ernumassuteqarlutik. Ernumassutit assingusut innuttaasunit arlalinnit aamma attaveqatigiittarfinni inunnik isumaginnittarfinni saqqummiunneqarsimapput.

Aaqqiissutissatut siunnersuut – suliamik nalilersuineq

Hotel- aamma takornariaqarnermut sammitinneqartunik suliniuteqarneq pillugu siunnersuut nunaminertami aamma qaqqami qanittumiittumi sanaartorfissanik arlalinnik periarfissaqarpoq. Siunissami sanaartugassat qanoq inissinneqarnissaat ilusilersorneqarnissaallu suli aalajangersarneqarsimanngilaq. Suliffeqarfik suliniummik piviusunngortitserusuppat, suliniummut aalajangersimasumut qinnuteqaat nassiunneqassaaq. Qinnuteqaat kommuneplanip aalajangersagaanut aamma immikkoortup mikinerup atorneqarsinnaasutut suli sinneruttup qanoq agguarneqarnissaanut naapertuuttumik suliarineqassaaq. Siunissami sanaartorfissat aalajangersarneqartussat nunaminertap ajornakusoortumik ilusaa eqqarsaatigalugu aamma siunnersortinik attuumassuteqartunik suleqateqarnikkut aalajangersarneqassapput.

Sanaartornermut suliassat suliarineqarneranni ikuallattoornissamut isumannaallisaaneq aamma ikuallattoqarnerani annaassiniarnissamut nunaminertat pillugit atuuttut piumasaqaatit eqqarsaatigineqassapput. Ikuallattoornermut teknikkikkut piumasaqaatit attuumassuteqartut naammassineqarnissaat sanaartugassap aalajangersimasup akuersissutigineqarnissaanut kiisalu kingusinnerusukkut atorneqalernissaanut piumasaqaataavoq. Taamaattumik Teknikkimut ingerlatsivik

naliliivoq tusarniaanermi oqaaseqaat kommuneplanimut tapiliussamik allannguissamut tunngavissaqartitsinngitsoq.

Suliniutip siunnersortai, ilaatigut Masanti aamma DTU, nunaminertap masattumik pissuseqarnera kiisalu imermik ingerlaartoqarmat isugutsernissamut aamma oquup pilersinnaaneranut aarlerinaat eqqarsaatigisimavaat. Suliniutip ilusilersorneqarnerata nalaani nunaminertami georadar atorlugu misissuisoqarsimavoq, qaarsup qajannaatsup qanoq ititigisumiinnera aalajangersarniarlugu. Nalilerneqarpoq illut qaarsumut qajannaatsumut tunngavilerneqartariaqartut, kiisalu betonimik tunngavinnik aamma nunap qaavani betonimik toqqavinnik, krybekælder-eqanngitsunik il.il., pilersitsisoqassasoq. Nunaminertap masattup pissusaa suliniutip aalajangersimasup ilusilersorneqarneratigut, tunngavilersuinnikut aamma sanaartorfigissaanikkut aaqqinneqarsinnaavoq, tamannalu annertooujussuarmik suliaasaqarsinnaavoq. Siunnersortit immikkut ilisimasaminnik naliliinerat tunngavigalugu Teknikkimut ingerlatsivik naliliivoq masarsuit, isugutserneq aamma oquup pilersinnaanera pillugit tusarniaanermi oqaaseqaatit imminerminni kommuneplanimut tapiliussamik allannguissamut tunngavissaqartitsinngitsut.

Siunnersortit naliliinerat tunngavigalugu Teknikkimut ingerlatsivik missiliivoq suliniutip ilusilersorneqarnerata aamma sanaartornerup nalaani sanaartornermut teknikkikkut unammilligassanik pilersoqarsinnaaneramik aarlerinaateqartoq. Aningaasatigut annertussusaa pisariaqartinneqartunik tunngavilersuinnermut aaqqiissutissanut, nunap qaavani imeq aamma aputip aannerani imeq qanoq aqunneqarnersoq, imermut aqutit, nunamik suliarinninneq kiisalu pilersuinnermut aamma kuuffissuarnut attaveqaatit naleqqussarneqarnissaannut imaluunniit annertusarneqarnissaannut pisariaqartitsineq apeqqutaassapput.

Ingerlariaqqinnissaq

Ataatsimiititaliap kommuneplanimut tapiliussatut siunnersuut inaarutaasumik akuersissutigineqarnissaa akuersissutigippagu, tamanut nalunaarutigineqassaaq.

Kinguneqaatissat:

Sumiiffimmiit qimmit peerneqarnikuupput.

Aningaasatigut kinguneqaatissat:

Kommuneplanimut tapiliussaq nutaaq atatillugu aningaasaqarnikkut toqqaannartumik kingunerisassaqaanngilaq.

Inissialiassamut aalajangersimasumut piviusunngortitsinnermut atatillugu aningaasaqarnikkut toqqaannanngitsumik kingunerisassanik kiisalu aningaasartuutunik siumut takorloorneqarsimanngitsunik pilersoqarsinnaavoq. Tamanna pingaartumik nunaminertap masattumik pissuseqarnerata kiisalu annertuunik suliniummik ilusilersuinissamik sanaartorfigissaanissamillu pisariaqartitsinerata kingunerisinnaavaa, ilaatigut imermut aqutissanik pilersitsineq, nunamik suliaqarneq, tunngavilersuineq kiisalu kuuffissuarnut pilersuinnermullu attaveqaatinik naleqqussaannissaq imaluunniit annertusaanissaq pisariaqarsinnaalluni.

Taamaattumik Teknikkimut ingerlatsivik naliliivoq suliniut aningaasaqarnikkut nalorninermik imaqarneranik, aalajangiinissamut tunngavissap ingerlaqqittup ilaatut eqqarsaatigineqartariaqartumik. Aningaasartuutit tamarmiusut aallaqqaammut naatsorsuutigineqartunit malunnaatilimmik amerlanerulernissaannut aarlerinaateqarsinnaavoq. Suliniut kommunimut aningaasartuutaasunik imaluunniit aningaasaqarnikkut pisussaaffinnik allanik pilersitsippat, Teknikkimut ingerlatsiviup maluginiarpaa suliniut aningaasanik pisortanit pigineqartunik aqutsinnermut atatillugu inatsisitigut aarlerinaatinik pilersitsisinnaasoq.

Inatsisitigut tunngavigisat:

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq
- Avannaata Kommuniata Kommunimut pilersaarutaa 2018-2030 tapiliussartalik

Suliarineqarnera:

Teknikkimut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Teknikkimi Ataatsimiititaliami aaliangiineq:

Ingerlatsiviup Teknikkimut ataatsimiititaliamut inassutigaa

- Ataatsimiititaliap Kommuneplanimut tapiliussaq nr. 68 – Qaqqap eqqaani – Mathias Storchip Aqqutaa pillugu siunnersuummut, aningaasaqarnikkut kingunerisassat tunngavigalugit itigartitsinissaa.

Aaliangiineq:

Aaliangiinissaq Kommunalbestyrelsimut ingerlateqqinneqarpoq.

Aningaasaqarnermi Ataatsimiititaliami aaliangerneq:

Teknikkimit Ataatsimiititaliap Aningaasaqarnermi Ataatsimiititaliamut inassutingaa

Teknikkimit Ataatsimiititaliami aaliangerneq ilalernerqassasoq

Aaliangiineq:

Inassuteqaat akuerineqarpoq.

Inassuteqaat:

Ingerlatsiviup kommunalbestyrelsimut inassutingaa

Kommunalbestyrelsip Kommuneplanimut tapiliussaq nr. 68 – Qaqqap eqqaani – Mathias Storchip Aqqutaa pillugu siunnersuummut, aningaasaqarnikkut kingunerisassat tunngavigalugit itigartitsinissaa.

Ilanngussat:

- Bilag 023-01: Kommuneplanimut tapiliussamut siunnersuut nr. 68
- Bilag 023-02: Tusarniaanermi akissuteqaatit
- Bilag 023-03: Tusarniaanermi akissuteqaatinut akissutingineqarput
- Bilag 023-04: DTU aamma Masanti-p nalilersuineri

Aalajangiineq:

Sag nr.	Sammasaq	Bilag. nr.	024
KOM 098	Oqaluuserisassatut siunnersuutit	Journal nr.	

Uteqqiineq:

Kommunalbestyrelsimut ilaasortat siunnersuutitik allattoqarfimmut ingerlatittarpaat, suliallu qanoq ingerlanissaannik allattoqarfik nassuiaasarpog.
Uani suliami ilisimatitsisoqarpog siunnersuutit qanoq allaffissornermi ingerlaqqissasut, kommunalbestyrelsimullu ilalernerqarnissaa inassutingineqarluni.

Suliap saqqummiunnera:

Ileqqusumik ataatsimiinnissaq kingusinnerpaamik ullunik 21-nik sioqqullugu allakkatigut suliassaq oqaluuserineqassasog qinnutigineqarsimappat taanna siullermik ataatsimiinnissami oqaluuserisassanut borgmesterimit ilanngunneqassaaq.
Kommunalbestyrelsimut ilaasortat siunnersuutaat sularineqartussat ataatsimiititaliamut ersarissarneqarput.

#1 Paarnannguaq Mathiasen (S)

- A) Pisortaqarfinni suleriutsit aammalu suliarnik nakkutinginninnermut atatillugu oqaluuserisassatut siunnersuut

Ingerlaqqinnissaq: Suliassaq Aningaasaqarnermut Ataatsimiititaliamut suliakkiunneqassooq, tassani eqqartorneqareeruni, kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2027 sammeneqareersimassooq.

- B) Notapligt-imut aammalu journaliseringspligt-imut tunngatillugu aammalu pisortaqarfimmi inuttaasunik sullissinnermut ullumikkut killiffimmut tuungatillugu, oqaluuserisassatut siunnersuut

Ingerlaqqinnissaq: Suliassaq Aningaasaqarnermut Ataatsimiititaliamut suliakkiunneqassooq, tassani eqqartorneqareeruni, kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2027 sammeneqareersimassooq.

- C) Kommunalbestyrelsemut oqaluuserisassatut siunnersuut: Meeqqanut inuusuttunullu siunnersuisarfimmi tapersersorteqartitsisarnerup nukittorsarnissaa

Ingerlaqqinnissaq: Suliassaq Piorsarsimassutsimut, Atuartitaanermut, Meeqquveqarnermullu Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2027 sammeneqareersimassooq.

#2 Jakob Petersen (S)

- A) Sanaartornermi sillimaniarneq eqqarsaatingalugu nødgeneratorinik ilanngullugit pilersitsisarnissamik aammalu sumiiffinni sillimaniarneq eqqarsaatingalugu pilersuisoqarsinnaaneramik siunnersuut.

Ingerlaqqinnissaq: Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani januar 2027 sammeneqareersimassooq.

#3 Knud Kleemann (A)

A) Upernavimmi ersinngitsunik innarluutilinnut tunngatillungu siunnersuut

Ingerlaqqinnissaq: Suliassaq Ilaqutareeqarnermut Ataatsimiititaliamut suliaqqiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani Januar 2027 sammeneqareersimassooq.

B) Innaarsunni atuarfiunikup meeqqerivittut atorneqalersinnaaneramik siunnersuut

Ingerlaqqinnissaq: Suliassaq Piorsarsimassutsimut, Atuartitaanermut, Meeqquveqarnermullu Ataatsimiititaliamut suliaqqiunneqassooq, tassani eqqartorneqareeruni, Aningaasaqarnermut Ataatsimiititaliamut kommunalbestyrelsimullu inaarutaasumik ingerlatinneqassooq.

Naammassereersimanissaa: Kingusinnerpaamik ataatsimiititaliani Januar 2027 sammeneqareersimassooq.

#Ilaasortat sinneri

Ilaasortat siunnersuutingisimasai imaluunniit apeqquutingisimasai suliarineqarlutik naammassineqarsimapput imaluunniit suliarineqarput.

Ingerlariaqqinnissaq

Qulaani siunnersuut taakkartorneqartoq allattoqqarfimmi suliaqqiissutaavoq naammassereernissaanullu ullut killiliunneqartut naapertorlungit ataatsimiititaliani susassaqartumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Kommunit aquunneqarnerat pillugu Inatsisartut inatsisaat nr. 29, 17. november 2017-imeersaq
- Avannaata Kommuniani kommunalbestyrelsip suleriaasissaa nalinginnaasooq 14. marts 2018-imeersaq

Suliamik isumaginninneq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermi Ataatsimiititaliami aaliangerneq:

*Allattoqarfiup Aningaasaqarnermut Ataatsimiititaliamut inassutigivaa:
Oqaluuserisassanngortinneqarsimasut akuerineqassasut*

Aaliangiineq:
Inassutigineqartoq tusaatissatut tinguneqarpoq.

Inassuteqaat:

Aningaasaqarnermi Ataatsmiititaliap kommunalbestyrelsimut inassutingaa

Aningaasaqarnermi Ataatsmiititaliap aaliangernera ilalerneqassasoq

Ilanngussat:

Bilag 024-01:	Paarnannguaq Mathiassen (S) siunnersuutai
Bilag 024-02:	Jakob Petersen (S) siunnersuutai
Bilag 024-03:	Knud Kleemann (A) siunnersuutai
Bilag 024-04:	Siunnersuutit killiffiat august 2027

Aaliangiineq:

Ataatsimiinneq naammassivoq nalunaaqutaq:

Atsiorfissaq:

Jerimiassen, Aqqalu C. (A) _____

Kleemann, Knud (A) _____

Bro, Niels Erik (D) _____

Davidsen, Lena Ravn (D) _____

Møller, Heidi (D) _____

Sandgreen, Karl Frederik (D) _____

Thomassen, Mikivsuk (IA) _____

Eskildsen, Arnaq N. (N) _____

Møller, Ole (N) _____

Napātôk', Jens (N) _____

Gabrielsen, Lars Erik (S) _____

Kristiansen, Knud (S) _____

Mathiassen, Paarnannguaq (S) _____

Petersen, Jakob (S) _____

Nielsen, Edvard (S) _____

Olsen, Ujuut (S) _____

Fleischer, Sakio (S) _____